



Republika e Kosovës
Republika Kosovo / Republic of Kosovo
Kuvendi i Komunës Rahovec

Opština Skupština Rahovac/Municipality of Rahovec

Nr./Br./No 01/Kuvendi i Komunës

Nr./Br./No 01/128 Nr. i faq./Br. str./No. pg 26

Data/Datum/Date 20 / 11 / 2020



PROCESVERBAL

Nga mbledhja e rregullt e Kuvendit Komunal të Rahovecit, e mbajtur më 29.10.2020, me fillim në ora 10:00. Mbledhjen e kryesoi: Kryesuesi i Kuvendit z. Afrim Dina. Konstatohet se kuorum, për mbajtjen e mbledhjes kemi:

Kryesuesi – Fillimisht më lejoni t'iu përshëndes, i nderuar Kryetar i Komunës z. Smajl Latifi, nënkryetar i Komunës z. Fatmir Iska, të nderuar kuvendarë, drejtorë të drejtorive komunale, përfaqësues të mediave dhe ju gjithë të pranishëm! Gjithsesi kolegë të nderuar, dua të ju informoj që salla e kuvendit sikur në çdo mbledhje dezinfektohet një ditë përpara mbledhjes, që shfrytëzoj rastin me falënderua edhe drejtorin e Shëndetësisë por edhe Drejtoreshën e Administratës për kujdesin e vazhdueshëm në sallën ku ne i mbajmë punimet e kuvendit. Gjithashtu dua të ju informoj se deri me tani, transmetimet kanë qenë nga webfaqja e komunës tonë të mbledhjeve online por nga sot kemi medianin Kosova Press për transmetimet online.

Për këtë mbledhje sot propozojmë këtë:

REND DITE

1. Shqyrtimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi i Raportit Financiar për periudhën kohore janar – shtator 2020,
4. Shqyrtimi dhe aprovimi i Propozim vendimit për transfere dhe rialokim të mjeteve,
5. Shqyrtimi dhe aprovimi i Propozim vendimit të Kryetarit të Komunës për caktimin e lokacionit për trajtimin dhe deponimin e mbeturinave inerte në Celinë, P-71513083-00231-0
6. Shqyrtimi dhe aprovimi i Propozim vendimit të Kryetarit të Komunës për caktimin e lokacionit për trajtimin dhe deponimin e mbeturinave inerte në Nagac, P-71510055-00809-0
7. Shqyrtimi dhe aprovimi i Propozim vendimit të Kryetarit të Komunës për caktimin e lokacionit për trajtimin dhe deponimin e mbeturinave inerte në Krushë të Madhe, P-71513005-00258-0,
8. Shqyrtimi dhe aprovimi i Propozim vendimit të Kryetarit të Komunës për caktimin e lokacionit për trajtimin dhe deponimin e mbeturinave inerte në Krushë të Madhe, P-71513005-00257-0,
9. Shqyrtimi dhe aprovimi i Propozim vendimit të Kryetarit të Komunës për caktimin e lokacionit për trajtimin dhe deponimin e mbeturinave inerte në Krushë të Madhe, P-71513005-00256-0,
10. Shqyrtimi dhe aprovimi i Propozim vendimit të Kryetarit të Komunës për shpallje me interes të përgjithshëm P-71510057-01817-0 – Rahovec,

11. Shqyrtimi dhe aprovimi i Propozim vendimit të Kryetarit të Komunës për shpallje me interes të përgjithshëm P – 71510037-01015-96 – Xërxë,
12. Shqyrtimi dhe aprovimi i Propozim vendimit të Kryetarit të Komunës për dhënien e pronës komunale në shfrytëzim afatshkurtër personave fizik dhe juridik – Rahovec,
13. Shqyrtimi dhe aprovimi i Propozim vendimit të Kryetarit të Komunës për lirim nga qiraja të gjithë shfrytëzuesit e pronës së paluajtshme komunale,
14. Informatë nga DKA-ja për fillimin e vitit të ri shkollor 2020/2021.

Pika shtesë

1. Marrja e vendimit për shfuqizim të Rregullores për Tatimin mbi Pronën e Paluajtshme për vitin 2020;
2. Marrja e vendimit për shfuqizim të Rregullores për Tatimin mbi Pronën e Paluajtshme për vitin 2020;
3. Shqyrtimi dhe aprovimi i Propozim vendimit për ndryshimin dhe plotësimin e vendimit 01 Nr. 1988 i datës 28.06.2018 për aprovimin e listës së anëtarëve të zgjedhur të Këshillit të Fshatit Hoçë e Madhe.
4. Shqyrtimi dhe aprovimi i Propozim vendimit për dhënien në shfrytëzim afatgjatë në fshatin Gexhë.

Kryesuesi - Të nderuar kolegë kuvendarë, për këtë mbledhje ju informoj që do të kemi edhe tre(3) pika shtesë, e para ka të bëjë me kthimin e vendimit nga Ministria e Pushtetit Lokal (MAPL) të vendimit të mbledhjes së kaluar për shfuqizimin e vendimit të rregullores të tatimit në pronë për vitin 2021. Ka qenë arsyeshmëria nga MAPL-ja për shfuqizim dhe pas shqyrtimit nga ana e Ministrisë ky vendim nuk duhet të aprovohet në tërësi për shkak të transparencës në të kemi aprovuar si rregullore komplet dhe na është kërkuar që të merret vendim vetëm për caktimin e normave tarifore si dhe pikë tjetër shtesë, komisioni ad-hoc i cili është formuar nga kuvendi për plotësimin dhe ndryshimin e anëtarit të Këshillit të fshatit Hoçë e Madhe është mbledhur dhe e ka kryer punën e vet dhe sot duhet të merret vendim si dhe pika tjetër shtesë është për dhënien në shfrytëzim të pronës komunale në periudhë afatgjatë, me kërkesë të banorëve të fshatit Gexhë.

Të nderuar kolegë kuvendarë, a jeni për këtë rend dite. Konstatoj se unanimisht aprovohet rendi i ditës me pikat shtesë. Kalojmë në pikën e parë të rendit të ditës:

1. Shqyrtimi dhe aprovimi i Procesverbalit nga mbledhja e kaluar.

Ali Zhuniqi – Përsëritet për kryesuesin, kuvendarët dhe gjithë të pranishmit në sallë. Unë kam vërejtje të procesverbalit të kaluar, pasi që në diskutimet që kemi bërë lidhur me çështjen e konkursit, fjalimi i kryetarit pas Avni Morinës që ka qenë në foltore nuk është cekur dhe kërkoj nga kryesuesi dhe sekretariati i kuvendit që ky procesverbal të bëhet plotësim ndryshimi nëse është e mundur në një kohë optimale dhe dërgesën do ta bëj edhe nëpërmjet formës zyrtare nëpërmjet emailit apo protokollit sipas ligjeve që është e paraparë dhe kërkoj nga sekretariati i kuvendit dhe kryesuesi që këtë kërkesë timen me marrë parasysh pasi në të kundërtën nëse jo atëherë kërkoj nga të gjithë kolegët asamblistë që këtë procesverbal të mos e votojnë.

Kryesuesi – Sigurisht që sekretariati do ta ketë parasysh këtë pasi që edhe gjatë incizimeve kur po bëhen nuk po dëgjohet mirë dhe sigurisht që do të përmirësohet ajo pjesë. Atëherë e qesim në votim pikën e parë të rendit të ditës. Konstatoj se me 3 abstenime aprovohet pika e parë e rendit të ditës. Kalojmë në pikën e dytë të rendit të ditës:

2. Pyetjet dhe përgjigjet në pyetjet e kuvendarëve.

Fehmi Hoxha – Përshëndetje kryesues, kryetarin, nënkryetarin, anëtarë kolegë kuvendarë, media dhe gjithë të pranishmit. Pyetja ime është për kryetarin, kur është miratuar korniza afatmesme buxhetore për vitin 2021-2024 para miratimit, ne si grup i PDK-së i kemi parashtruar 3 kërkesa dhe një ndër ato kërkesa është edhe rregullimi i kanalizimit fekal dhe atmosferik në rrugën Fahredin Hoxha. Kryetari është zotuar se menjëherë do të fillohet me procedurën mirëpo kanë kaluar një muaj dhe ende nuk ka dalë ne terren asnjë ekip për me bo matje dhe të paraqesë dhe përgatitë paramasën dhe para llogarinë duke ditur se komuna e Rahovecit ka kontratë me dy kompani për furnizim dhe rregullimin e kanalizimit. Kështu që e lus edhe njëherë kryetarin pasi është zotuar që sa më shpejtë të rregullohet pasi vërtetë është një pjesë shumë e keqe aty kanalizimi i Lagjes së Epërme me gyp të diametrit 315Ø kyqet në kanalizimin e lagjes tonë që e kemi ndërtuar vet me kontributin tonë me gyp 200Ø dhe sa herë një shi i vogël bjen e tërë lagja kundërmon dhe del kanalizimi jashtë. Kështu që kryetar ju kisha lutur që ti përmbaheni zotimit. Po ashtu kërkesa tjetër është se duke e ditur që të gjitha afatet kanë kaluar për miratimin e planit zhvillimor komunal dhe hartën zonale, pasi plani zhvillimor komunal është i përgatitur ne tërësi dhe ka mbetur një raport dhe të kërkohet pëlqimi paraprak pranë Ministrisë së Mjedisit dhe Planifikimit Hapësinor respektivisht pranë Institutit për Mbrojtjen e Monumenteve natyrore. Problemi është se e kemi një dokument i cili është shqyrtuar dhe punuar 18 muaj në të kaluarën, pra është çështja e zonës së mbrojtur të kanionit të Drinit të Bardhë. Ai dokument në fakt është një propozim profesional i cili është dhënë nga organet kompetente të Institutit për Mbrojtjen e Monumenteve natyrore dhe ai dokument dy here ka qenë në seancë dhe është tërhequr. Pra duhet të rregullohet çështja e zonës së mbrojtur, pasi ekziston propozimi profesional i organeve kompetente dhe kërkoj për seancën e radhës që ky dokument faktikisht propozimi profesional i Institutit për Mbrojtjen e Monumenteve natyrore të sillët në kuvend të shqyrtohet dhe me pas të miratohet. Këtë po e kërkoj pasi sinjerisht kanë kaluar afatet dhe është peng ky dokument për marrjen e pëlqimit paraprak pranë Ministrisë së Mjedisit dhe Planifikimit hapësinor, e që është e lidhur edhe harta zonale si dokument i dytë kështu që ju kisha lutë ta sillni në kuvend që të rregullojmë dhe me pas të bëhet një raport dhe kërkohet nga ministria marrja e pëlqimit paraprak për me sjellë planin zhvillimor komunal që me votua këtu, pasi është një dokument shumë i rëndësishëm që kërkohet nga të gjitha instancat më të larta që komuna duhet ta ketë. Kemi filluar ndër të parët mirëpo po vonohemi edhe po kërkoj që ta përfundojmë edhe atë.

Masar Popaj – Pyetja ime ka të bëjë për drejtorinë e bujqësisë, se pari deshta të urojë për punët që janë bërë në shtrimin e rrugëve fushore por duke parë disa ngecje që bujqit kanë në lidhje me rrugët fushore pasi ka ankesa dhe vërejtje se zhavorri është i përzier me baltë dhe nëse mundemi me marrë një përgjigje nga ju se a është bërë kontrollimi i atyre rrugëve nga organet kompetente pra a është bërë kontrollimi teknik. Gjithashtu vërejtje tjetër nga bujqit është sepse ka mbetur një rrugë fushore në fshatin Fortesë e papërfunduar kryesisht ne rrugën tek vëllezërit Destan, Shefqet dhe Bedri Berisha në gjatësi prej 80 metra.

Vjosa Isma – Përshëndetje për të gjithë. Pyetja ime është për drejtorin e Drejtorisë së Arsimit në komunën e Rahovecit. Pyetja e parë është se a mundeni të na thuani se si ka mundësi gati dy vite në shkollën Selajdin Mullaabazi-Mici nuk ka ende drejtor, si e shpjegoni këtë që pa drejtor që dy vite dhe ju nuk keni ndërmarr asnjë veprim për të hapur konkurs për me përzgjedh drejtorin e shkollës Selajdin Mullaabazi – Mici ndërsa për me largua një aktivist të vetëvendosjes edhe pse kishte kualifikime juve jeni kujdes me shumë zell. A mund të na thuani që edhe në listën e pagave figurojnë emra të mësimitdhënësve të cilët ka muaj e në raste edhe me vite që janë jashtë shtetit dhe në disa raste edhe marrin pagë edhe ju nuk jeni kujtuar të shpallni konkurs për ato vende. A mund të na thuani se si ka mundësi që disa mësimitdhënës në sholla të ndryshme mbajnë më shumë se 20 orë dhe ka raste që deri në 40 orë i mbajnë edhe nuk paguhen për orët shtesë ndërsa mësimitdhënësit që janë jashtë vendit marrin pagë. A mund të na thuani se si ka mundësi që ju keni marrë mësimitdhënës si zëvendësues dhe keni pagua vetëm për 2 ose 3 muaj kurse për muajt tjerë jo dhe jeni arsyetuar me faktin se

nuk mundeni me i vendos menjëherë në listën e pagave, pra 3 muaj paguhen kurse 3 muaj nuk paguhen, vërtetë kjo është turp nëse një mësimdhënës nuk merr pagë për 3 muaj.

Ali Morina – Faleminderit kryesues, i nderuar kryetar, drejtorë të drejtorive komunale, kolegë asamblistë, përfaqësues të mediave. Unë desha me i ngritë dy çështje, e para nuk ndërlidhet direkt me juve por po synojmë që përmes juve t'i adresojmë problemet në institucionet përkatëse qëndrore. Edhe vitin e kaluar e kam ngritë çështjen e shenjzimit të rrugëve magjistrale dhe rajonale që janë në menaxhimin e Ministrisë të Infrastrukturës, pasi vërtet sidomos shoferet e autobusëve dhe kamionëve që ju bie me i frekuentua shpesh këto rrugë nuk e kanë sinjalistikën e duhur dhe kur e dimë që tash jemi në sezonën vjeshtore dhe dimërore, pasi kohëve të fundit kemi pasur edhe kohë me mjegull dhe mos sinjalizimi i duhur ka shkaktuar telashe. Çështja tjetër që desha me bë si formë komenti për përzgjedhjen e fermerëve për mekanizma bujqësore, vërtetë është bërë një punë e mirë që ju përgëzoj kryetar dhe drejtorinë e Bujqësisë, ku janë përzgjedh një numër i madh i fermerëve që kanë përfituar dhe në bashkëbisedim e sipër me fermerë të caktuar janë ndarë shumë të kënaqur.

Munib Durguti – Përshëndetje i nderuar kryesues, kryetar, të nderuar asamblistë, përfaqësues të mediave. Unë deshta të ripotencoj çështjen e ngritur para disa muajve rreth masave të zbatimit nga ana e kafiterive për distancat në lokalet e tyre, duke ditur që jemi në fazën e dytë të pandemisë dhe është mirë që të kemi një aktivitet me të ngjeshur të drejtorisë së inspekcionit, pra inspektorët të jenë në terren dhe të kujdesen për zbatimin e masave në mënyrë me strikte siç e parasheh ligji anticovid. Po ashtu e kam ngritë një çështje në fillim të pandemisë për shkeljen e masave nga ana e furrtarëve, pra bëhet fjalë se ata ende e shesin bukën me dorë përveç disave që bartin maskë asnjëri prej tyre nuk bartin dorëza për shitjen e bukës dhe kjo është shumë e pahijshme dhe sjellim një shembull që e ka bërë kryetari i Prizrenit Mytaher Haskuka në fillim të pandemisë ku ka pasur një takim në sallën e kuvendit komunal me gjithë furrtarët dhe i ka kërcënuar me tërheqjen e lejes sanitare në rast se shkelën masat e higjienës. Pra, bizneset e dimë se ato regjistrohen në qendrat regjionale mirëpo komuna është ajo që e lëshon lejen sanitare që nënkupton kushtet higjienike. Do të ishte mirë që kryetari të ndajë një kohë dhe ti kujtojë këta të nderuar që shëndeti i qytetarëve është mbi të gjitha dhe në rast se ata vazhdojnë me avazin e vjetër që t'i ndëshkojmë me tërheqjen e lejes sanitare.

Fehmi Cena – Unë desha me ngritë një çështje që ka të bëjë me degradimin e tokës bujqësore të punueshme konkretisht është fjala për ndërtimin e disa shtëpive në një zonë të thellë bujqësore jashtë qytetit të Rahovecit tek vendi i quajtur Dea, përgjatë rrugës Rahovec- Potoqan i Ulët përtej lumit Rimmik dhe ajo është diçka që bie në sy e sigurisht që ka edhe raste të tjera dhe unë mendoj që ne kemi diskutuar edhe më përpara që toka bujqësore për komunën e Rahovecit duhet të mbrohet dhe ju jeni zotuar në atë sepe ne njihemi si komunë bujqësore dhe shumica e ekonomive të komunës tonë janë ekonomi bujqësore po ashtu njihemi edhe si prodhues me të mirë edhe si kryeqytet bujqësor dhe po ashtu jeni zotuar se do të mbronë tokën bujqësore të punueshme dhe ky është një rast tipik që shihet se nuk keni punuar në këtë drejtim dhe nuk jeni përmbajtur zotimit. Mendoj se duhet të keni kujdes që të mos lejohet dhe pyetja është e thjeshtë se pse është lejuar një gjë e tillë, pasi tash tutje mendoj se edhe të tjerët nuk mundeni me i ndalua sepe edhe të tjerët kanë të drejtë me ndërtua shtëpi apo objekte të forta edhe në zona të thella bujqësore të ngjashme dhe atëherë do të kemi një uzurpim dhe degradim të pakontrolluar.

Shqipe Kryeziu – Pyetja ime ka të bëjë me drejtorinë komunale të arsimit dhe i drejtohem drejtorit se procesi mësimor ka filluar me 14 shtator dhe sa jam e informuar unë objektet shkollore nuk janë dezinfektuar por edhe maska nuk ka për nxënësit. Kur mendoni që ti dezinfektoni këto objekte shkollore dhe të pajisen nxënësit me mjete mbrojtëse? Pra kjo thjeshtë është vetëm kur mendoni se kur do të veproni ju e dini vetë. Pyetja tjetër i drejtohem kryetarit, pasi në disa komuna mësimdhënësve ju kanë plotësuar kërkesat për shujta dhe rrogat jubilarë por në komunën tonë çka do të bëhet, se a do të pritët që të ju plotësohen këto kërkesa mësimdhënësve?

Rasim Fazliu – Faleminderit kryesues, përshëndetje për ju, anëtarët e kuvendit komunal, përfaqësuesit e OSBE-së, LMT-së, mediave dhe të gjithë të pranishmit në sallë. Është viti i tretë që po e ngris një çështje rreth rrugës Fortesë- Krushë e Madhe dhe me të vërtetë ajo rrugë është dëmtuar në disa segmente shumë saqë është e mërzitshme me kalua aty, kështu që gjithmonë kemi pasur premtime që do të bëhet por kjo nuk po realizohet ende. Është mirë kryetar që ne kemi kode për rregullimin e rrugëve të komunës pra kemi kod të veçantë dhe do të ishte mirë që me urgjencë ta merrni seriozisht dhe disa segmente janë aty që ndoshta nuk kanë kosto shumë të madhe dhe të kryhet kjo punë pasi është një qarkullim mjaft i madh i njerëzve dhe është një prioritet i madh dhe besoj që këtë do ta rregulloni dhe të merrni masa që sa më shpejt të rregullohet sepse me të vërtetë që 3 vite po e përsërisim të njëjtën kërkesë dhe do të ishte mirë që me qenë me i vëmendshëm në kërkesat e anëtarëve të kuvendit që i bëjnë.

Rukije Krasniqi – Faleminderit kryesues, përshëndetje për kryetarin dhe gjithë të pranishmit në sallë. Kam një pyetje për drejtorin e drejtorisë së shëndetësisë, ku paraqes shqetësimin e e pacienteve të cilët marrin insulinë që përgjegjësitë nga QKMF-ja të delegohen edhe ne QMF-të dhe të ju ofrojnë ndihmë pacientëve të cilët kanë me marrë insulinën dhe është me të vërtetë jetike kjo insulinë sepse është në pyetje jeta e qytetarit. Edhe kam zhvilluar bisedë me mjeke familjarë dhe me kanë thënë që përgjegjësitë nuk po i delegon QKMF-ja në QMF, kështu që është mirë që të delegohen këto përgjegjësi dhe të shkon insulina sepse nuk mundet një pacientë nga Kramoviku apo Çifllaku dimër dhe verë varësisht nga kushtet që i kanë, të ju ofrojmë kushte që të jemi sa me afër qytetarit. Këtë shqetësim e kam shprehur edhe mandatin e kaluar dhe mendoj që do të hasim në mirëkuptim.

Sali Sallteku – Faleminderit kryesues, përshëndetje për kryetarin dhe gjithë juve të pranishëm në sallë. Unë kam një vërejtje të madhe rreth rrugës kryesore në Fortesë që punimet që po bëhen të ngadalta e kanë bërë të mërzitshme kalimin nëpër atë rrugë dhe e pakalueshme. Unë kisha kërkuar nga ju si autoritet që keni të merrni masat e duhura se vërtetë është bërë e pakalueshme dhe po krijon vështirësi me kalua neper atë rrugë. Po ashtu një pyetje tjetër që kam është se shtëpinë e kulturës që kemi nisur në fshatin tonë, kam kërkuar disa herë pasi deri me tani ka kushtuar gati 50,000 euro dhe kam kërkuar vazhdimisht nga komuna që të paktën 20% me na ndihmua pasi vërtet është bërë një investim i mirë në qendër të fshatit dhe është hera e tretë që po kërkoj këtë ndihmë nga komuna. Po ashtu edhe Drejtorisë se Arsimit i kisha kërkuar që me shpesh të bëj vizita nëpër shkolla sepse ka me Corona virus arsimtar dhe do të ishte mirë me qenë më të kujdesshëm sepse shumë lehtë mundet me u përhap edhe te na, kështu që disa arsimtar që janë në gjendje jo të mirë shëndetësore dhe afër pensionit duhet të largohen sepse vërtetë nuk janë efektiv dhe ju sjellin dëme edhe nxënësve aty. Besoj që do ta keni parasysh kërkesën time.

Dervish Çadraku – Faleminderit kryesues, përshëndetje për të gjithë të pranishmit. Unë kam një pyetje për drejtorin e arsimit, fjala është për projektin e oborrit të shkollës në fshatin Malësi e Vogël pasi ka qenë projekt që ka qenë i planifikuar këtë vit mirëpo nuk ka asnjë lëvizje në këtë drejtim edhe po dua me ditë se deri ku ka arrite kjo procedurë.

Kryetari – Përshëndetje për kryesuesin, nënkryetarin, drejtorë të drejtorive, të nderuar anëtarë të kuvendit të komunës se Rahovecit, përfaqësues të mediave, pastaj përfaqësues që janë prezentë dhe që e mbikëqyrin këtë mbledhje të rregullt të KK.Rahovec. Faleminderit shumë për kontributin tuaj, për shqetësimet, pyetjet dhe komentet e juaja që i keni bërë. Anëtari i kuvendit të Komunës z. Dervish Çadraku ka pyetur për oborrin e shkollës Skender Kastrati në Malësi të Vogël, pasi është pjesë e kontratës dhe kontrata është fituar dhe nënshkruar dhe operatori është duke zhvilluar punime dhe tash ka disa shkolla dhe në kuadër të kësaj është edhe oborri i shkollës në Malësi të Vogël dhe nëse koha merr mirë atëherë shumë shpejtë do të fillojnë punimet edhe në Malësi të Vogël, ku aktualisht janë nyjat sanitare në fokus d.m.th. nyjat sanitare nëpër shkolla. Kështu që ky projekt është pjesë e kontratës dhe mund ta konfirmoni edhe në DKA që mund ta shihni kontratën dhe mund t'i informoni ata që s'janë të informuar pasi ky projekt veçse është pjesë e kontratës. Pastaj pyetja për rrugën katër korsi nga z. Sali Sallteku, që edhe unë jam dakord për këtë, ne jemi duke pasur

telashe me operatorin që zhvillon punime ne rrugën katër korsi në lotin e parë, që përfshin prej Bërnjakës e deri në Xërxë. E vërteta është se në atë pjesë ka edhe ujëra nëntokësor e po ashtu edhe probleme me kompani rajonale siç është sistemi i ujitjes, pastaj sistemi i ujësjellësit KRU Gjakova, pastaj Telekom i Kosovës, Posta e Kosovës e megjithatë edhe operatori që është nënkontraktor i një operatori tjetër fatkeqësisht ka pasur telashe dhe ne po shpresojmë që brenda këtyre ditëve me u shtrua ajo pjesë me asfalt. Kështu që po synojmë me u bo maksimalisht mirë ajo punë edhe ne jemi ne presion të vazhdueshëm edhe prej qytetarëve dhe po i bëjmë tryzni që sa më shpejt me u shtrua ajo pjesë me asfalt pasi po krijon shumë vështirësi ne qarkullim të automjeteve. Pastaj te shtëpia Oda në Malësi të Vogël, unë i falënderoj donatorët dhe bashkëqytetarët e Malësisë se Vogël që kanë kontribuar shumë në ndërtimin e atij objekti të bukur dhe besoj që ka me qenë funksional edhe e arsyeton qëllimin investiv. Ne mund të bëjmë diçka në rregullimin e oborrit të atij objekti për shkak se nuk u aplikua asnjëherë asnjë praktikë sepse ka shtëpi apo oda që janë ndërtua edhe nëpër fshatra tjera edhe nuk ju kemi ndihmua p.sh. ne këtë rast Senocit i kemi ndihmuar në rregullimin e oborrit, mjedisit rreth objektit pastaj e kemi rregullua një park dhe e kemi shtruar me kubëza. Kështu që ndoshta diçka të ngjashme mund të bëjmë edhe në Malësi të Vogël apo edhe në objekte të tilla publike të cilat janë vepër e komunitetit apo vepër e solidaritetit nga ana e komunitetit. Pra, kam folur edhe me kryetarin e fshatit dhe do të përpiqem që edhe unë me bo një kontribut bashkë me juve që edhe ajo pjesë që ndoshta varet prej ndikimit tim si autoritet që me ndihmën edhe të bashkë mërgimtareve besojmë që do të përmbyllet me sukses. Pastaj tek mësimdhënësit me Covid-19, e vërteta është se gjithkush që mundet të ketë shenja klinike ka për detyrë me u drejtua në Qendrën Kryesore të Mjekësisë Familjare ose në objektin më të afërt shëndetësor dhe mund të kërkojë testim pra marrjen e mostrës për testim. Si e dini janë dy mundësi, edhe Instituti i Shëndetësisë Publike, Laboratori i mikrobiologjisë molekulare dhe po ashtu edhe laboratorët privatë të licencuar. Nëse ka raste të tilla, unë i kisha lutur që kush i njeh që të paraqiten sepse detyra jonë është me i orientua edhe me i aplikua ato masa që rekomandimet të cilat parashihi sipas rregullave të Ministrisë së Shëndetësisë dhe masave që kërkon me i respektua IKSHPK-ja. Mund të kemi ndonjë rast pasi nuk përjashtohet mundësia edhe pajtohem që vizitat nëpeë shkolla duhet me pas edhe më shpesh edhe me hulumtua që ne këtë aspekt me kontribua që mos ka raste me Covid dhe ne nuk e dimë por edhe ata që kanë është mirë me u lajmërua. Pastaj pyetja e parashtruar nga Rukije Krasniqi, unë besoj që këtë përgjigje duhet me dhanë drejtori i Shëndetësisë sepse ndoshta mund të mos jem shumë i saktë, pasi këta ndoshta e kanë një udhëzim administrativ që e përcakton pak më ndryshe. Pastaj, pyetja e parashtruar nga z. Rasim Fazliu, ndërtimi i rrugës Fortesë- Celinë, është e vërtetë se kjo rrugë ka probleme dhe këtu para kuvendit jemi zotuar edhe unë edhe drejtori i shërbimeve publike, e po ashtu është një e vërtetë e madhe se operatori i cili merret me riparimin e rrugëve është ankuar në mungesë të mjeteve financiare dhe tash me ridestinimin që kemi bërë ai ka pranuar me ardhë dhe me prioritet janë disa gropa ne qytet e sigurisht edhe ajo rrugë besoj që ka me ndodhë riparimi i asaj rruge dhe besoj që sivjet duhet me ndodhë riparimi i rrugës Fortesë-Celinë. Pastaj Shqipe Kryeziu ka pyetur pajisje me maska mbrojtëse ose me mjete mbrojtëse anticovid. Unë jam i bindur që ne kemi lidhur një kontratë apo me një operator që bën furnizimin me materiale mbrojtëse kundër covid-19, në të gjitha shkollat e komunës së Rahovecit qofshin fillore apo të mesme kanë materiale e tyre dhe unë besoj që kemi mjaft materiale sipas specifikacionit që kanë bërë vetë Ministria e Arsimit në bashkëpunim me qendrën operative kombëtare emergjente dhe si administrohen ato, por shpërndarja e materiale nuk ka arsye për asnjë ankesë kurrkush me pas sepse ka mjaft materiale edhe maska, dezinfektues, dorëza nëpër shkolla. Pra, shpërndarja ka ndodhur dhe nëse drejtorët e shkollave nuk ju kanë njoftuar atëherë duhet t'i pyeteni drejtorët e shkollave sepse unë e di saktë sepse ka ndodhur edhe depozitimi i materialeve edhe ka filluar shpërndarja edhe të gjitha shkollat i kanë marrë edhe për këtë mund ta konfirmoj edhe drejtori i Arsimit. Pastaj te shujtat dhe pagat jubilarë, unë mendoj se nuk është mirë me bo krahasime midis komunave p.sh. komuna e Fushë Kosovës asnjë problem nuk e ka me shujta edhe paga jubilarë sepse e ka buxhetin 3 here më të madh se komuna jonë, jo në kuptimin për paga dhe mëditje siç e kemi ne por buxhetin ne tërësi e ka me të madh për shkak se leje ndërtimi dhe plotë mundësi

për me realizua shumë të hyra. Në komunën tonë ky proces ka filluar me u stabilizue, me pagat jubilarë ne jemi duke stabilizuar atë që quhet realizim i se drejtës se mësimdhënësit për me përfutur pagën jubilarë kur del në pension. Ndërsa sa i takon shujtave kemi pak probleme por mos të harrojmë se avokatët i kanë bërë ankesat e tyre dhe ne jemi duke punuar edhe sindikatën e arsimit por edhe individualisht me mësimdhënësit që mos të na dërgojnë në gjykatë që natyrisht ata i fitojnë të drejtat e tyre dhe dëmtohen projektet për shkak se ne nuk kemi mundësi me krye me automatizëm këtë punë por e kemi stabilizua si proces, pra procesi është duke shkuar mirë. Besoj që në këtë pikë mundet me korigjua drejtori i Financave pasi ne jemi në konsultim të vazhdueshme pasi ata me të drejtë kërkojnë realizimin e të drejtës së vet mirëpo ne me të drejtë ju themi juve se nuk është se i kemi të gjitha mundësitë me i krye me automatizëm, por tash ka fillua me u stabilizua procesi dhe jam i bindur që ne këtë drejtim nuk do të kemi nevojë me zbatua vendime gjyqësore ose vendime që vine edhe të i marrin parat nga thesari ose nga përmbaruesi. Pra tash e tutje nuk do të kemi nevojë sepse edhe sivjet janë krye disa punë sa i takon pagave jubilarë por edhe vazhdojnë të kryhen disa punë sipas mundësive buxhetore dhe kemi një dakordim me ata që ju takon me realizua këtë të drejtë. Te pyetja e parashtruar nga z. Fehmi Cena, është e vërtetë që duhet të punojnë të gjithë se bashku edhe me krejt organet përkatëse që të ndalet dhe të minimizohet ndërtimi i objekteve që ne fakt dëmtojnë apo degradojnë token bujqësore. Ne kemi inspektorat edhe pse kemi me mungesë, që realisht jam në dijeni për cilën rast jeni duke folur aty është e ndaluar edhe ai në pronë të vet e ka ndërtua por realisht është e ndaluar dhe do të përpigemi me ndërpre aktivitetin e kundërligjshëm edhe që i dëmton apo i degradon tokat bujqësore e ne këtë rast tokat vreshtarë. Këto janë tani për tani fuqitë tona por nuk do të thotë me i ndalua por sigurisht që edhe ju duhet me na ndihmuar si anëtarë të kuvendit që rastet e tilla sepse vërtet nuk po është e lehtë pasi lëndët po shkojnë nëpër gjykata dhe nëpër pushtetet që nuk varen prej neve dhe ata pastaj po i paguajnë disa gjoba por po vazhdojnë ndërtimet, pra nuk është që ne s'po veprojmë por jo që gjithë aktiviteti jonë është vendimtar d.m.th. nuk është komuna ajo që mundet me i ndalë. Pra këtë frymë të diskutimit tonë duhet me pas edhe organet tjera që neve nuk na përgjigjen, e këtë rast gjykatat që neve nuk na përgjigjen, që sfidohemi prej tyre edhe ata i dënojnë ka 2-3 mijë euro edhe ata se kanë problem edhe e paguajnë atë gjobë edhe e kryen dënimin edhe vazhdon ndërtimin. Pra kemi shumë këso raste ku po sfidohemi si udhëheqje ose si organe komunale. Te pyetja e parashtruar nga Munib Durguti, unë jam dakord rreth kësaj pasi e dini se në fillet e pandemisë ka pasur me shumë përkushtim edhe të kuvendit edhe të udhëheqjes komunale të inspektoreve edhe të policisë edhe të gjitha organeve. Tash ka filluar me u kthye njëfarë rutine, pasi furrat e bukës dhe lokalet të cilat operojnë kafiteritë tjera nuk do të thotë që jemi të kënaqur me zbatimin e masave anticovid. Por po ashtu është shumë e vërtetë se ka dënime nga policia qoftë edhe për mospërdorim të maskës dhe mos mbajtjes se distancës dhe unë i kam raportet çdo 24 orë dhe fatkeqësisht kemi 20-30 gjoba për shkeljen e masave anticovid që i bëjnë subjekte fizike, juridike individë, kafiteri etj. Te furrat e bukës pajtohem se mundemi me i mbledhë edhe njëherë ju kemi dërguar disa letra edhe ata janë dakordue por edhe ata tash nuk është se po i përgjigjen edhe aq shumë dhe nuk është ne rregull se nuk po i aplikojnë. Ndoshta qyteti i Prizrenit është me ndryshe sepse janë më të përgjegjshëm edhe me ma me traditë edhe me esnafë janë edhe furrtarët. Pra duhet me i kontrollua edhe me i vizitua edhe njëherë Drejtorinë e Inspektoratit që inspektorin e sanitarisë me obligua që me shkua me parë se si po funksionojnë këto furra dhe a janë ato mbështjellëset dhe apo sigurohemi ne si klientë që buka që jepet është mbështjellur me masën që mbron shëndetin e qytetareve që frekuentojnë apo që janë klientë aty. Te pyetja e parashtruar nga Ali Morina, shenjëzimi rrugëve rajonale dhe magjistrale është jo i mirë dhe jemi totalisht të pakënaqur dhe ne kemi kërkuar që të kemi shenjëzim edhe vertikal edhe horizontal ne te gjitha rrugët rajonale që janë në përgjegjësi të Ministrisë kurse ata arsyetohen se i kanë disa kontrata dhe ndoshta edhe i bëjnë tash por ne do ta ri aktualizojmë edhe njëherë edhe do të kërkojmë pasi edhe rruga Rahovec – Xerxë është pa shenjëzim e sidomos horizontal e mos të flasim për rrugë tjera, pra është rrugë shume e frekuentuar dhe nuk ka ndodhur shenjëzimi me shume se 2 vjet. T pyetja e parashtruar nga Ali Morina për përzgjedhjen e fermerëve, unë besoj që përpjekja e komunës për t'i mbështetur fermerët e komunës së

Rahovecit duhet të vazhdojë edhe më tutje dhe është mirë që po konsolidohet një sistem i cili përkundër që mundet me pas ndonjë të metë apo ndonjë defekt, e rëndësishme është që një program po vazhdon edhe fermerët janë përfitues të kësaj, edhe sigurisht që edhe vitet e ardhshme duhet me vazhdua zbatimi i masave mbështetëse për fermerët dhe bujqit e komunës së Rahovecit sepse edhe vet kemi thënë se është kryeqytet i bujqësisë, sigurisht që ka të meta por jam shumë i sigurtë që duke falënderuar edhe anëtarët e kuvendit të komunës për miratimin e buxhetit që e kanë bërë, po na jepet mundësia që mbështetja e fermerëve që e kanë bërë të vjen nga viti në vit duke u rritur edhe kjo është mirë, ndoshta edhe me pajisje tjera që munden me na treguar fermerët se çka janë më të nevojshëm tash e tutje. Deri më tash ne e kemi bërë një përzgjedhje edhe të pajisjeve edhe në konsultim me ta e ndoshta do të ketë nevojë edhe pajisje tjera të cilat ju duhen për me vazhduar punën e tyre në bujqësi. Pastaj pyetja e parashtruar nga Vjosa Isma, se pse nuk ka drejtor në shkollën e mesme profesionale Selajdin Mullabazi Mici. Mendoj se aty ka një ushtrues detyre siç mund të ketë edhe në disa shkolla tjera ushtrues detyre të drejtorit. Pastaj dikush mundet edhe me pyet se pse ushtrues detyre, sepse ende nuk ka dalë udhëzimi administrativ për shpalljen e konkurseve për drejtorë të shkollave. Pra ligji i ri për zyrtarë publikë nuk është kompletuar ende infrastruktura me udhëzime administrative dhe me rregullore për me procedua hapjen e konkurseve për drejtor të shkollave dhe kjo është një e vërtetë e madhe që po e godet komunën e Rahovecit dhe çdo komunë të Republikës së Kosovës. Pra, nëse ju ka skaduar mandati atëherë keni të drejtë vetëm ushtrues detyre por nuk keni të drejtë me hap konkurs, por ne po kërkojmë me hap konkurse dhe po presim me i hap konkurset pasi janë edhe disa shkolla tjera që janë me ushtrues detyre. Nëse nxjerret udhëzimi administrativ dhe neve na jepet drita jeshile atëherë ne vazhdojmë edhe për shkollën Selajdin Mullaabazi Mici por edhe për disa shkolla tjera që ju ka skaduar kontrata drejtorëve aktual e që tash janë me një vendim vetëm ushtrues detyre. Këtë problem e kemi edhe ne administratën publike pra ende nuk kemi dritë të gjelbër për me fillua hapjen e konkurseve sipas ligjit të ri për zyrtarë publik që ka hyrë në fuqi me datën 30 qershor të këtij viti e që e ka konfirmuar edhe gjykata kushtetuese. Po ashtu, Vjosa ka pyet se pse marrin paga mësimdhënësit që janë jashtë vendit dhe unë po ju përmendi një rast që nuk është turp me përmend, pra është Refki Kryeziu i cili ka marr pushim mjekësor dhe ka pasur operacion dhe ju e dini se është asamblist në Kuvendin e Komunës dhe ne jemi në komunikim me atë, pra ky rast është dhe nëse ju keni ndonjë rast që është jashtë vendit e që merr pagën pa qenë në vendin e punës, e që ju ndoshta se dini se ligji anticovid edhe strategjia e Ministrisë së Arsimit na ka mundësuar neve që në kushte të pandemisë që 30 vende apo qytetarë të komunës së Rahovecit të profileve të nevojshme e që janë me gjendje jo të mirë shëndetësore e që kanë moshën e caktuar, ata mund të mos dalin në vendin e punës dhe marrin rrogën e plotë dhe angazhohen stafi i mësimdhënësve mbështetës, i korirëve apo shërbëtorëve pasi që janë edhe 4 punëtor teknik që parashihen. Pra kjo është kuota që ka fituar komuna jonë si çdo komunë tjetër, që ndoshta Prishtina i ka 70 vende, prandaj nuk është e çuditshme që Smajl Latifi mësimdhënës në moshën 60 vjeçare apo edhe në moshën 50 vjeçare që mundet me qenë keq me shëndet dhe rekomandimi nga qendra operative kombëtare emergjente që Ministria e Shëndetësisë dhe Ministria e Arsimit e kanë mundësuar këtë dhe me staf mbështetës nga 250 euro me kontratë 4 mujore. Pra besoj që e keni kuptuar dhe nëse shihni edhe raste tjera pasi unë po tregohem shume i drejtpërdrejtë dhe korrekt dhe i saktë në këto që po i them, pasi e kemi edhe kemi fletë lëshimin për Refki Kryeziu për pushim mjekësor dhe për këtë është në dijeni edhe Kuvendi dhe DKA-ja. Pastaj pyetja e parashtruar nga Masar Popaj për rrugët fushore a janë kualitative. Unë jam shumë korrekt pasi çdo kryesi apo këshillë i fshatit apo i lagjes, nëse i ka kërkuar dhe ju ka dhënë prioritete 2 km atëherë edhe 1.5 km janë shtuar secilit vendbanim. Mirëpo, varet se kush ka punuar, pasi unë kam disa vërejtje dhe drejtorja e bujqësisë ka disa vërejtje në operatorin që ka zhvilluar punime në pjesën e Hoçës së Vogël, Nagac, Krushës së Madhe kurse në pjesën ku ka operuar një operator tjetër si Mendi-P asnjë vërejtje nga fermerët deri me tani nuk e kemi marrë, pasi vërtet janë bërë punët shume mirë. Kështu që operatori Mendi-P ka punuar në pjesën e juaj dhe kontrata ka me vazhdua dhe sigurisht se ka me u lidhë edhe kontratë e re për rrugë fushore sepse është prioritet i drejtorisë së bujqësisë dhe kryetarit të Komunës dhe unë besoj që edhe ato 80 metra do të

shohim edhe do të kryhen. Pastaj pyetja interesante e parashtruar nga Fehmi Hoxha. Faleminderit për pyetjen dhe zotimin publik që e kemi dhënë, ne do të përpiqemi me ta dëshmuar se e mbajmë dhe është e vërtetë se kemi kontratë me dy operatorë për çështjen e trajtimit apo kanalizimit të ujërave të zeza dhe jam në dijeni edhe të atij problemi dhe kam biseduar edhe me drejtorin. Kompania aktualisht është duke punuar në Hoçë të Vogël dhe ka me zbrit në qytet pasi janë dy kompani dhe jam i bindur se ky problem ka me u zgjidh brenda një afati të arsyeshëm e që konsideroj që nëse merr koha e mirë atëherë brenda këtij viti dhe këtë premtim ne do ta mbajmë. Plani Zhvillimor Komunal me datën 3 nëntor, ditë e martë, drejtorja e Urbanizmit dhe Planifikimit Hapësinor bashkë me operatorin që ka kontratë me ne në komunën e Rahovecit do të bëjë prezantimin PZHK-së sipas procedurave atje dhe kërkesën për pëlqim nga Ministria e Ekonomisë dhe Ambientit e kemi dërguar me kohë dhe është bërë një punë e madhe në bashkëpunim me kuvendin e Komunës dhe qytetarët e Rahovecit dhe ekspert të kësaj fushe dhe shpresoj që do të jetë se shpejti edhe në mbledhjen e kuvendit në një seancë të rregullt për miratim. Tash te zona e mbrojtur, tek Ura e Fshejtë, ka pasur dy apo tre herë tentativa edhe në mandatin e kaluar kur unë nuk isha kryetar dhe unë ju kam sugjeruar grupin politik të këshilltarëve që më kanë konsultuar edhe mua sigurisht që ka qenë edhe ky, pasi në parim nuk jam kundër zgjerimit të zonës së mbrojtur por sikurse që jam në parim që edhe me u mbrojtë maksimalisht zona e mbrojtur dhe kërkohet një kujdes. Pra edhe mu zgjeroi me shume kujdes por edhe sigurisht me u mbrojtë sepse është zonë e mbrojtur me ligj Kanioni i urës se Fshejtë që mund të ketë edhe ndonjë zonë tjetër. Pra jam për me aktualizuar këtë temë dhe nuk jam kundër që me sjellë në seancën e radhës si propozim por mos harroni sepse ne megjithatë jemi të obliguar që ta mbrojmë apo ta specifikojmë se çfarë lloje ndërtimesh dhe aktiviteteve lejohen në zonën e mbrojtur në Kanionin e Urës se Fshejtë. Përkundër faktit se kanë ndodhur disa ndërtime dhe ju e dini që janë legalizuar por ne duhet të jemi shumë të kujdesshëm dhe unë e kuptoj se ju keni qenë drejtor i Urbanizmit dhe jeni marrë me këtë punë por nuk duhet me u ngutë shumë për shkak se ne i kuptojmë edhe interesat e investitorëve potencial që dojnë me zhvillue aktivitete në atë zonë sikurse duhet ta kuptojmë që kemi një ligj që mbron decidivisht zonat që janë të shpallura si zona mbrojtëse. Pra jam që në hartat zonale me u specifikua deri ne detaje se çka duhet me ndodhë ne fakte në atë pjesë, pasi kemi situatën ku ka edhe prona private ku ka tjetërsim të pronës publike pasi që 20 vite aty kanë marrë pronë edhe e kanë bërë të veten, kështu unë jam munduar me ndalua këtë. Pra, le ti mbetet edhe më tutje një sqarimi më profesional dhe argumentues në përputhje me ligjin edhe eksperteve të caktuar dhe nëse është nevoja po i thërrasim edhe në kuvendin e komunës që me na ndihmone rreth kësaj. Pra, në parim jam dakord por me shkua me kujdes të shtuar pasi dy herë është sjellë ne kuvend dhe nuk është votuar pasi e dini mirë se është çështje e ndjeshme si situatë kurse në parim jam për me zgjerue por me kujdes të shtuar por edhe me mbrojtë maksimalisht atë zonë dhe zonat tjera të mbrojtura.

Vjosa Isma – Po kthehem prape te drejtori i shkollës pasi kryetari tha që ky ligj u hy në fuqi tash qershor por rasti i këtij si ushtrues detyre është gati 2 vite prej kohës kur nuk është Vjollca Vuçiterna, ai e merr pagën e mësimdhënësit kurse është ushtrues detyre i drejtorit gati 2 vite d.m.th. nëse tash në qershor është ky ligje atëherë pse me herët nuk e keni shpallë vendin e punës për drejtor shkolle, pasi vërtet ai person nuk ka as autoritet ndaj mësimdhënëseve. Te kjo pjesa e Refki Kryeziut atij i takon pushimi mjekësor nëse nuk ndjehet mirë me shëndet edhe i takon me marr pagesë mirëpo zëvendësim të tij është deshtë me bo me ndonjë mësimdhënësit tjetër e jo nxënësit me humb orë e me u zëvendësua nga punëtori ndihmës por nga secili mësimdhënësit me u zëvendësua sa formalisht dhe ka pasur raste që ne kohë pandemie janë bashkuar dy klasë për me zëvendësua një kolegë i tij duke rrezikuar seriozisht shëndetin e nxënësve duke i bashkuar dy klasë, kështu që edhe pse i takon pushimi mjekësor me pagesë por ai duhet me u zëvendësua nga mësimdhënësi tjetër. Rasti tjetër është i Valon Kabashi që nuk merr pagesë mirëpo ai që dy vite qëndron në listën e pagave por merr pushim pa pagesë dhe unë me sa e di vetëm për shkaqe shëndetësore apo avansim profesional mundet me i takua dikujt pushim pa pagesë me marr vazhdimisht kështu që edhe kur u pranua, është pranuar

në kundërshtim të ligjit pasi e ka lëndën në gjykatë por ai ka prioritet që me marr pushim pa pagesë që 2 apo 3 vite e qëndron në listën e pagave.

Kryetari – E para është se ai është ushtrues detyre dhe merr pagën e një mësimdhënësi siç thuani edhe ju tani, mirëpo në momentin që vjen koha për me u shpallë konkursi për drejtor atëherë mund të flasim ndryshe pasi ende nuk kemi të drejtë, edhe ky ligji për zyrtarët publik nuk është tash pasi njëherë u shkua në gjykatën kushtetuese, pra ka qenë i suspenduar aktiviteti i konkurseve që ka më shumë se një vit dhe nuk është tash, por vetëm me 30 qershor e ka konfirmuar gjykata kushtetuese që është në fuqi dhe ende nuk kemi një proces të ri të zbatimit të ligjit të ri të zyrtareve publik. Pra ky ligj me siguri është votuar në 2019 mirëpo menjëherë dikush e ka dërguar në gjykatën kushtetuese dhe ka pritë 60 ditë në gjykatën kushtetuese dhe ju ka vazhduar për shkak të pandemisë edhe 3 muaj tjera. Pra janë dy ligje, ligji i pagave dhe i zyrtareve publikë që janë vonuar në proces, pra është një periudhë e gjatë ku janë vonuar nga pandemia edhe gjykata kushtetuese për shkak se nuk janë mbledhë dhe në fund të qershorit ka dhënë përgjigje, kështu ë ligjin e pagave e ka rrëzuar kurse ligjin e zyrtareve publik e ka konfirmua si të drejtë dhe tash edhe pse është konfirmuar ende nuk kemi udhëzim administrativ. Tek pushimet mjekësore, mësimdhënësi ka të drejtë me marr pushim mjekësor me pagesë, me arsye të bazuara nga mjekët dhe po ashtu pushim pa pagesë është e drejtë e tij. Pra është e drejtë e patjetërsueshme e mësimdhënësve me marr pushim pa pagesë për një vite. Pra ligji i punës e lejon me marr pa pagesë për një vite por vetëm duhet të potencohet arsyetimi.

Fehmi Hoxha – Faleminderit shumë kryesues, unë nuk dua të replikoj me ju kryetar por vetëm po dua të bëj disa sqarime, e para unë besoj që do të përfundoni atë rrugë në atë lagje pasi jeni zotuar sivjet pasi veç jemi në prag të dimrit dhe duhet ta shpejtoni këtë dhe besoj që do kryhet ky zotim i juaji. E dyta rreth kanionit me ligj është e rregulluar se duhet të bëhet ri kategorizimi i zonave të mbrojtura dhe ne jemi vonuar se duhet me krye dhe është e vërtetë se dy herë ka qenë në kuvend pasi ishte fushata zgjedhore dhe është tërhequr pasi janë bërë kalkulime. Dhe po ashtu është shumë e vërtetë se ju e keni këshillua këshilltarët tuaj që ta mbështesin atëherë se isha drejtor i urbanizmit, propozimin profesional të Institutit për mbrojtjen e monumenteve natyrore. Instituti është përgjegjës për dhënien e propozimit profesional dhe të gjitha procedurat kanë përfunduar dhe janë zhvilluar debatet publike dhe shqyrtimet publike pastaj vërejtjet, kërkesat e ndryshme dhe nuk është votuar në kuvend dhe nuk po e them unë që me u zgjerua e as me u ngushtua por dokumenti duhet me kalua përmes kuvendit komunal për me marrë certifikimin paraprak të planit zhvillimor komunal. Ne e kemi të përfunduar dhe nuk mundemi me marr pëlqimin paraprak prej Ministrisë pasi është e rregulluar me ligj. Tash kuvendarët duhet të diskutojnë pasi një propozim është dhe duhet të del para kuvendareve dhe ta diskutojmë të gjithë së bashku dhe dokumenti duhet të përfundojë. Për atë e thash se kryetar jam shumë në dijeni dhe jam marrë shumë me këtë çështje dhe pa e rregullua këtë pjesë nuk mundemi me marr pëlqimin paraprak dhe mos ndrysho kufij dhe mos ndrysho asgjë nëse nuk pajtohemi askush por dokumenti duhet ta ketë preambulën e ligjit të ri për ri kategorizimin e zonave të mbrojtura. Pra dokumenti duhet të kalojë përmes kuvendit dhe si do të votohet është krejtësisht diçka tjetër mirëpo dokumenti do të përfundojë.

Kryetari – E thash prezantimin e kanë të PZHK-së me datën 3 nëntor në Ministri pasi e ka ftuar vetë ministria pasi është çështje e procedurës për me shkua drejt pëlqimit të PZHK-së edhe shpresojmë që në hartën zonale do të kemi aktivitete sa me shpejt që është e mundur dhe gjithashtu shpresojmë që këto dy dokumente strategjike do të i miratojë kuvendi i komunës, kuptohet pas debatit ekspertizës dhe analizës.

Shqipe Kryeziu – Kryetar sipas juve shkollat qenkan të pajisura me dezinfektues, por unë punoj në dy shkolla në Ukshin Hoti në Krushë të Madhe dhe Selajdin Mullaabazi- Mici në Rahovec por edhe nëpër shkollat tjera i kam pyetur se nuk kanë pajisje e sidomos Ukshin Hoti nuk ka pajisje dezinfektuese por ndoshta shkon drejtori edhe ju thotë atyre drejtorëve tjerë që të ju japin nxënësve maska gjithashtu le ti pastrojnë objektin shkollor dhe nuk e di a ka punëtor teknik dhe orari është i shkurtuar pasi unë çdo ditë aty.

Kryetari – Unë besoj që nuk janë tema këto për kuvendin e komunës pasi në ato dy shkolla funksionojnë organet drejtuese të shkollave dhe sigurisht që janë edhe drejtorët e shkollave dhe është mirë me pa se a po e

pastrojnë apo jo dhe të gjitha vërejtjet e juaja duhet ti dërgoni në DKA dhe ju siguroj që ka me marr masa administrative ndaj secilit që bën shkelje dhe gjithashtu jam i bindur dhe po e përsëris faktin se shpërndarja e një kontingjenti të madh me materiale mbrojtëse në funksion të zbatimit të respektimit të masave anticovid i keni nëpër të gjitha shkollat duke përfshi edhe shkollën në Krushë të Madhe por edhe ndonjë shkolle tjetër. Por, mënyrën se si e administrojnë organet e shkollës nuk e di por materiale ka mjaftueshëm dhe shpresoj se do të kemi edhe me tutje mjaftueshëm për tu mbrojtur nga Covid-19 edhe për ta mbrojtur shëndetin edhe të mësimitdhënësve edhe të nxënësve por edhe të prindërve që e frekuentojnë atë shkollë.

Kryesuesi – Të nderuar kolegë kuvendarë, tani kalojmë në pikën e tretë të rendit të ditës:

3. Shqyrtimi i Raportit Financiar për periudhën kohore janar – shtator 2020.

Afrim Limani – I nderuar kryesues, nënkryetar, të nderuar kuvendarë dhe gjithë të pranishëm në sallë. Kam kënaqësinë që para juve të lexoj raportin 9-mujor financiar të komunës Rahovecit për periudhën Janar – Shtator 2020. Paraprakisht para se me hie ne raport, desha të ju them se ky raport është i harmonizuar plotësisht me Ministrinë e Financave e konkretisht me departamentin e buxhetit. Ky raport përbëhet nga dy pjesë kryesore, nga pjesa e realizimit të buxhetit dhe nga pjesa e të hyrave që çdo ngjarje dhe aktivitet është i involvuar në kuadër të këtij raporti. Para se me hy ne leximin e raportit, deshta të ju them edhe një informatë me rëndësi sepse deri ne këtë periudhë kur jam duke raportuar inkasimi i të hyrave është relativisht shumë i mirë edhe shpresoj që deri ne fund të periudhës pra përmbylljes së vitit fiskal të kemi edhe tejkalim të hyrave. Këtë e thash se përkundër asaj që këtë vit fiskal na kanë përcjellë disa ngjarje të cilat kanë shkaktuar ngecje të hyrave e konkretisht është fjala për Covid-19. Gjithashtu edhe shpenzimi i buxhetit është në masë jashtëzakonisht të mirë dhe deri në këtë periudhë kur jam duke raportuar realizimi i buxhetit është në përqindjen afërsisht 74%. Fillimisht me lejoni që të ju përshkruaj raportin në pika të shkurta në pjesën më të rëndësishme, në mënyrë që të ju lë hapësirë që edhe ju të bëni pyetje dhe të diskutojmë rreth raportit. Në faqe 3, kemi të prezantuar të hyrat e rregullta vetanake ku deri në fund të muajit shtator në total të hyrat janë 802,141 euro dhe nëse e krahasojmë me periudhën e njëjte të vitit të kaluar që janë 850,390 euro atëherë kemi një ndryshim negativ me vlerë prej 48,667 euro. Planifikimi total i të hyrave është 1,156,841 euro. Në faqe numër 4, kemi të paraqitur edhe realizimin e të hyrave bashke me gjrobat e gjykatave dhe trafikut si dhe të hyrat nga pyjet, kështu që ne total të hyrat janë me vlerë prej 944,257 euro kur e krahasojmë me periudhën e njëjte të vitit e kaluar kemi një ndryshim negativ prej 50,627 euro. Në faqe numër 5 kemi të prezantuar të hyrat sipas kategorive ekonomike ndërsa ne faqe numër 6, kemi të hyrat nga tatimi ku janë të specifikuar te paraqitura të gjitha të hyrat sipas muajve që kemi 306,668 euro dhe kur i krahasojmë me periudhën e njëjtë të vitit të kaluar atëherë kemi një ndryshim negativ në vlera përafërsisht 90,000 euro. Në faqe numër 7, kemi të prezantuar vetëm shpenzimin e buxhetit sipas kategorive ekonomike në kuadër të programeve, ku ne total shpenzimi i buxhetit është në vlerë prej 10,499,526 euro. Në faqe numër 8, janë të paraqitura shpenzimi i buxhetit të shprehura në përqindje në raport me planifikimin e buxhetit që në kuadër të kategorive ekonomike që ne total deri ne këtë periudhë pra në shtator, përqindja e realizimit të buxhetit është 67,99%. Në faqe numër 10,11 dhe 12 janë të paraqitura shpenzimi i buxhetit në kuadër të mallrave dhe shërbimeve sipas kategorive ekonomike dhe në faqe numër 13 kemi një rekapitullim të gjithë këtyre shpenzimeve të cilat kanë ndodhur në kuadër të programeve dhe do të ju jap një informatë me rëndësi që deri në këtë periudhë kemi arritë që gjitha obligimet në kategorinë e mallrave dhe shërbimeve janë të paguara dhe ne fund të vitit nuk do të kemi një raport të obligimeve në kuadër të kësaj kategorie. Sa për informimin tuaj desha të ju them edhe një informatë që mos me ju lënë hapësirë të bëni pyetje, në kodin 13720 naftë për ngrohje qendrore që ka një dallim të madhe me periudhën e vitit të njëjte të vitit të kaluar, pra i kemi 66,207 euro kurse në vitin e kaluar periudha e njëjte ka qenë 38,145. Ky dallim i madh është se ne kemi arrit që gjatë muajit mars e kemi shfrytëzuar mundësinë dhe hapësirën e mirë për çmimin e ulët të naftës pra në atë periudhë jemi furnizuar me naftë dhe kuptohet që kemi bërë edhe pagesën e faturës dhe tash e tutje deri në fund të vitit fiskal do të figuron kjo vlerë e shpenzimit.

Rasim Fazliu – Faleminderit kryesues, e falënderoj drejtorin për paraqitjen e raportit financiar për periudhën janar – shtator 2020. Edhe ne si anëtarë të kuvendit komunal jemi të vetëdijshëm se sivjet jemi me një vit pak a shumë të jashtëzakonshëm për shkak të Covid-19 që ka pasur vështirësi sigurisht në shumë gjëra e këto janë shfaqur edhe në komunën tonë. Por ne jemi të thirrur këtu që t'i themi disa gjëra për ato që i kemi parë në raportin financiar për periudhën janar – shtator. Desha fillimisht të ndalem tek të hyrat vetanake, nëse e krahasojmë se sa ka qenë planifikimi dhe sa janë realizua mund të themi se për këtë periudhë kemi zvogëlim të hyrave vetanake në vitin 2020 dhe po them ne krahasim me vitin 2019 siç e përmenda se ka qenë situatë e jashtëzakonshme por evidente është se të hyrat vetanake për vitin 2020 krahasuar me periudhën 2019 është dukshëm më e vogël. Nëse ndalemi në gjërat në trafik shohim se këtu ka ngritje apo rritje në krahasim me vitin 2019 ndërsa te gjërat e gjykatave ka rënie të madhe pasi nuk ka realizim të tyre. Do të ndalem te planifikimi dhe realizimi i tatimit në pronë për vitin 2020, edhe këtu duhet të bëjmë krahasime pasi realizimi i tatimit në pronë për vitin 2020 është 99,212 euro më pak krahasuar me planifikimin që është bërë për vitin 2020 ndërsa nëse e krahasojmë realizimin e tatimit në pronë kemi 61,501 euro më pak se në vitin 2019 d.m.th. këto janë shifra që janë në këtë raport që na keni ofruar ju. Sa i përket shpenzimeve sipas kategorive ekonomike, në bazë të dokumenteve që na keni ofruar shohim se shpenzimi i buxhetit nëpër disa kategori është i pamjaftueshëm për këtë periudhë në bazë të shifrave që kemi në raport sepse shohim që në disa kategori ekonomike ka pasur mjete të alokuara mirëpo nuk është shpenzuar buxheti e sigurisht që ju e dini më mirë se pse ka ndodhur kjo. Pastaj tek lista e mallrave dhe shërbimeve që kemi sipas programeve, këto çështje i kemi ngritur edhe në komitetin për politikë dhe financa mirëpo për hir të opinionit pasi është edhe mbledhje e kuvendit duhet disa gjëra prapë të përsëriten siç kemi kodin 13440 shërbime të ndryshme intelektuale dhe këshilldhënëse, pasi në kuvendin komunal është paraqitur shifra 6797 euro e sigurisht që drejtori ju shpjegon kuvendarëve se pse ka ndodhur kjo pasi neve në komitet na ka shpjeguar. Pastaj kemi kodin 13480 shpenzime për anëtarësim, edhe këtu për vitin 2020 krahasuar me vitin 2019 janë 23,431 euro d.m.th. ka shpenzime me shumë kurse në vitin 2019 kanë qenë 5620 euro kurse tash janë 23,431 euro, sigurisht edhe për këtu na jep sqarime drejtori. Pastaj kodi 14490 shpenzime të vendimeve të gjykatave në vitin 2019 i kemi pasur 8700 euro kurse për vitin 2020 janë 20,199 euro.

Fehmi Cena – Faleminderit kryesues, edhe unë falënderoj drejtorin e financave për përgatitjen dhe prezantimin e raportit buxhetor për këtë periudhë 9-mujore janar – shtator 2020. Mendoj se për ne është një raport mjaft i qartë dhe i ka të dhënat e qarta, krahasimi me vitet paraprake sidomos me vitin 2019. Por ajo çka më brengos si delegat është natyrisht se të hyrat për këtë periudhë kohore në raport me planifikimin vjetor janë më të ultë dhe nëse shkon me këtë kuotë atëherë deri në fund të vitit gjithashtu ka mundësi me qenë të ulëta dhe të mos përmbushet planifikimi. Pra, në raport me planifikimin vjetor të hyrat janë realizua 69,34% dhe gjithashtu në raport me periudhën e njëjtë të vitit të kaluar përsëri kemi më pak të hyrat edhe në raport me planifikimin me periudhën e njëjtë të vitit 2020 nëse shikojmë të hyrat e rregullta është 92,05% pra së paku është deshtë bëhet deri në 100%. Sa i përket të hyrave totale pra të hyrat e rregullta bashkë me gjërat gjithashtu ne raport me vitin e kaluar kemi deri në 51,000 më pak. Ajo që bie në sy është se të hyrat sidomos për muajin Prill dhe Maj kanë qenë jashtëzakonisht të ulëta dhe e kuptoj arsyeshmërinë sepse ishte kohë e vështirë e pandemisë ku ne ishim në karantinë të izoluar dhe atëherë ka pasur edhe lëvizje më pak por si duket pastaj kemi këta muajt tjerë të të hyrave shume me te mira dhe ka luajtur rol pasi edhe ne mbledhje kemi kërkuar një angazhim me te madhe të administratës dhe të ekzekutivit që të punojnë edhe përkundër asaj që është pandemi dhe të hyrat duhet të realizohen sepse ato janë shume të rëndësishme për buxhete edhe projekte të ndryshme dhe interesin e qytetareve. Tek tabela 1.5 krahasimi i të hyrave të realizuara sipas kodeve ekonomike 2020-2019 tek tatimi në pronë kjo natyrisht bie në sy sepse të hyrat janë goxha të ultë në krahasim me planifikimin, pasi ne krahasim me planifikimin vjetor me përqindje është 56,67% ndërkaq ne krahasim me periudhën e njëjtë 9-mujore është 75,5% dhe po ashtu po dua të përmend që të hyrat në tatimin në pronë që vlerësohen dhe që janë me stabile duhet të kemi kujdes pasi kemi pritur me u realizua me shume për arsye se

për këtë vite është edhe ajo pjesa e tatimit pasi tatimi këtë vite është me i shtrenjtë pasi është shtuar edhe taksa për pllacë dhe oborre të shpisë. Tek kodi 50013 taksa për certifikata të lindjes, kisha kërkuar nga ju drejtor një sqarim, se planifikimi ishte mbi 72,000 ndërsa të hyrat janë vetëm 8000 që është një diskrepancë e madhe, pasi planifikimi është i dobët apo nuk është punuar dhe të hyrat janë të ulte dhe ne krahasim me vitin e kaluar dallimi është shumë i madhe dhe une e kam bërë këtë pyetje edhe ne Komitetin për Politikë dhe Financa që me ka interesua rreth lindshmërisë se si është gjendja për këtë vite në krahasim me vitin e kaluar. Pastaj tek kodi 50015 taksa për certifikata të vdekjes që gjithashtu kemi një dallim mjaft i madhe në raport me planifikimin që edhe për këtë kam bërë pyetje nëse për këtë mbledhje drejtoresha ose dikush nga drejtoria për Administratë na kishte treguar për gjendjen e vdekshmërisë në komunën tonë. Pastaj kodi 50103 largimi dhe deponimi i automjeteve, në planifikim keni pasur të hyra kurse nuk keni realizuar asnjë pra zero të hyra dhe po me intereson se arkëton diçka komuna prej këtij shërbimi apo jo. Pastaj kodi 50405 shfrytëzimi i pronës publike që kemi të hyra shumë pak në raport me planifikimin, pra planifikimi ka qenë 13,000 ndërsa kemi të hyra afërsisht 2500 euro dhe mendoj që në këtë drejtim duhet të keni kujdes me shumë rreth të hyrave nga prona publike që shfrytëzohet nga ana e qytetareve qofshin persona fizik apo juridik. Në faqe 8, tek shpenzimet sipas kategorive ekonomik dhe paraqitja grafike, në përqindje drejtori na prezantoi tek shpenzimet kapitale diku 67% por për këto tjera shpenzime subvencione dhe transfere i keni vetëm 41%, shpenzime komunale 49%, mallra dhe shërbime 51%, por është dashtë edhe shpenzimet kapitale me qenë se paku diku 75% për këtë 9-mujorë. Si çështje tjetër që kisha me ngritë që sigurisht u ngritë edhe nga parafolësi që bie në sy kodi 14410 shpenzimet nga vendimi i gjykatave pasi kemi pasur vërejtje edhe ne të kaluarën se këto janë shpenzimet shtesë mbi 20,000 euro shpenzimet shtesë të paplanifikuara i kemi përmes procedurave përmbartimore dhe gjykatave dhe ne mendojmë që këto shpenzime nuk duhet që të ndodhin, që me siguri kanë ndodhur për shkak të atyre pagave jubilarë që u përmenden me herët dhe është mirë që të bëhet planifikimi për këto paga në mënyrë që komuna mos të ketë shpenzime shtesë përmes procedurave përmbartimore dhe gjykatave.

Masar Popaj – Tek kodi 13720 naftë për ngrohje qendrore me një arsyetim se e ka gjetur naftën me lirë dhe e ka ble por tek kodi 13760 dru që në vitin 2019 janë 27,099 euro kurse për vitin 2020 janë 60,175 euro që është një diferencë shumë e madhe për 33,876 euro, që po kërkoj nga drejtori një arsyetim për këtë.

Afrim Limani – Faleminderit për pyetjet e bëra, do të përgjigjem me radhë ashtu siç i keni parashtrua. Se pari z. Rasim Fazliu bëri disa pyetje e ndër to ishte krahasimi i realizimit të hyrave brenda kësaj periudhë me i ultë në krahasim me periudhën e njëjtë të vitit të kaluar. Edhe në fillim e thash dhe besoj që kjo përgjigje vlen edhe për doktorin pasi edhe ky e bëri të njëjtën pyetje, ku arsyeja është sepse këtë vite kemi pasur probleme të ndryshme dhe një ndër to ka qenë edhe pandemia covid-19, kryesisht gjatë muajit mars, prill edhe gjysma e majit absolutisht nuk kemi pasur të hyra. Mirëpo edhe në fillim të prezantimit të raportit thash që deri në këtë fazë të raportimit kemi një realizim apo inkasim të kënaqshëm të të hyrave vetanake d.m.th. totali i të hyrave deri me tani ka shkuar 1,090,000 euro që i bien përafërsisht edhe 80,000 euro me arritje planifikimin dhe përqindja e të hyrave është mbi 93% dhe jam shumë i sigurt se deri në fund të vitit fiskal jo vetëm që do të realizojmë planin por do të kemi edhe tejkalim të planit edhe me një përqindje të dukshme në raport me periudhën e njëjtë të vitit të kaluar. Po ashtu pyetje tjetër ishte tek gjërat e gjykatave, këto janë të hyra të jashtëzakonshme apo të pandikushme sepse të cilat ne nuk mundemi të i diktojmë, pasi janë të hyra që vijnë nga gjykatat dhe gjërat e trafikut, bilum kjo periudhë nga gjërat e trafikut kemi pasur një inkasim jashtëzakonisht të mirë pasi as ne nuk e kemi pritur që realisht e ka tejkalua periudhën e njëjtë të vitit të kaluar deri në këtë fazë të raportimi. Edhe në tatimin në pronë kemi pasur ngecje të njëjtë të inkasimit si pasoj nga gjendja e krijuar nga Covid-19, mirëpo në këtë periudhë nga Maji deri në shtator kemi një inkasim jashtëzakonisht të mirë dhe deri në këtë fazë kur po raportoj, përafërsisht është i barabartë me periudhën e njëjtë të vitit kaluar dhe besoj se deri në fund të vitit do të kemi tejkalim edhe në kuadër të tatimit në pronë. Realizimi i buxhetit me përqindje të vogël siç e thash edhe në fillim se deri në atë periudhë nuk kemi pasur inkasim të mirë mirëpo në këtë fazë kur po raportoj përqindja e realizimit të buxhetit është në shumën është

afër 74% dhe e dimë se si kriter për kualifikim të pasqyrave financiare për realizimin e buxhetit është 75% mirëpo këtë veç e kemi arrit këtë fazë dhe shpresoj se deri në fund të vitit do të kemi realizim të buxhetit përafërsisht 98-99% të buxhetit sepse trendi i realizimit është duke shkuar mirë. Te kategoritë e shpenzimeve, te shpenzimet intelektuale dhe këshilldhënëse, z. Rasim Fazliu pyeti si dhe shpenzimet për anëtarësim. Të shpenzimet intelektuale dhe këshilldhënëse, ky kodë është siç ju thash edhe në mbledhje të Komitetit për Politikë dhe Financa sepse ndërlidh të gjitha komunitetet të cilat paguhen nga ana e buxhetit të komunës së Rahovecit dhe janë në kuadër të kësaj kategorie si këshilli komunal për siguri në bashkësi, këshilli për komunitete pra të gjitha këshillat paguhen në kuadër të këtij kodi. Ndërsa diferencë tjetër është tek shpenzimet e anëtarësimit, pasi komuna e Rahovecit ka marrëveshje të ndryshme me organizata të ndryshme dhe unë po i përmendi dy, që është asosacioni i komunave që kemi bërë një pagesë sivjet dhe që kemi pasur një borgj të trashëguar dhe AZHR-ja që kemi një anëtarësi vjetore që e paguajmë çdo vite ka 5,000 euro që është një marrëveshje që është krijuar para 5 vite nga kryetari i komunës dhe regjionit jug si Prizreni, Malisheva, Suhareka dhe Dragashi. Doktor Fehmi Cena i parashtroj disa pyetje konkretisht tek të hyrat inkasimi i dobët me planifikimin dhe gjithashtu e ceku edhe tatimin në pronë, konsideroj që me herët e dhashë përgjigjen rreth kësaj sa i përket të hyrave. Po ashtu pyetet për disa kode të të hyrave dhe të njëjtën pyetje e keni parashtuar edhe në komitet, edhe edhe atë ditë thash se këtë vite kemi një unifikim të kodeve ekonomike një risi që bashke me ministrinë e Financave dhe komunën dhe aty realisht janë përziej kodet. Po supozojmë që të hyrat nga certifikatat e lindjes munden me u inkasua me ndonjë të hyrë tjetër por shpresoj që këtë problem shume shpejt do ta zgjedhim dhe sa për kureshtje tuaj, ju kemi dërguar një raport në adresën tuaj, që është një raport me i detaizuar se sa ka pasur lindje, vdekje, martesë dhe për kureshtjen tende lindjet deri në këtë periudhë janë 148 lindje duke përfshijë vetëm territorin e komunës së Rahovecit që do të thotë pa informata në Prizren apo Gjakovë. Është e vërtet se ne kemi kontratë me një kompani e cila bënë bartjen e veturave që brenda këtij vitit fiskal e kemi lidhur kontratën kështu ndonjëherë mundet me ndodh që nuk mundemi me qenë të sakt me planifikimin. Po ashtu dua të them një informatë me rëndësi tek planifikimi i të hyrave vetanake, pasi ne si komunë e Rahovecit qëndrojmë me poshtë me planifikimin real i cili duhet të ndodhë, pasi ne vazhdimisht kemi bërë kërkesë në Ministrinë e Financave dhe kemi kërkuar që të hyrat vetanake të rriten në kuadër të komunës tonë. Kështu që kërkesën tonë nuk e kanë aprovua dhe ne detyrohemi tash me dal në një planifikim real i cili faktikisht duhet të ndodhë dhe në kuadër të këtij viti kemi pasur shkurtësia buxhetore që ka ardh nga qarkorja e tretë buxhetore, kështu që ne jemi detyruar në planifikim real me shkua. Po ashtu tek shpenzimi i buxhetit në këtë periudhën 9-mujore që ndoshta nuk është i kënaqshëm shpenzimi i buxhetit mirëpo e thash edhe në fillim se deri në këtë periudhë raportuese, në total shpenzimi i buxhetit është në masën 74% që është relativisht i kënaqshëm. Tek shpenzimet e gjykatave është vërtet që një operator na ka paditur dhe krejt kjo vlerë ndërlidhet me atë padi, pra shuma është afërsisht 30,000 euro dhe raste tjera nuk kemi dhe nuk ndërlidhet me pagat jubilarë sepse për pagat jubilarë e kemi bërë një marrëveshje qysh në fillim përmes avokatit të komunës dhe përmbauesve tjerë dhe ky proces është duke shkuar jashtëzakonisht mirë dhe besoj që deri në fund të vitit do të i shlyejmë të gjitha obligimet që kemi për mësuesit që janë pension për pagat jubilarë. Pastaj Masar Popaj ka pyetur rreth dallimit të shpenzimeve me dru në krahasim me periudhën e njëjte të vitit të kaluar. Ky dallim është se brenda këtij viti fiskal kemi arrit që me kohë të kontraktojmë kontraktorin dhe operatori ka bërë furnizimin dhe ne jemi detyruar të bëjmë pagesën dhe ky është dallimi. Pasi në periudhën e njëjtë vitit të kaluar e di që është bërë pas periudhës Janar – Shtator dhe ky është dallimi.

Kryesuesi - Faleminderit shume drejtor për të gjitha sqarimet, atëherë meqë nuk kemi tjerë të lajmëruar, kalojmë në pikën e katërt të rendit të ditës:

4. Shqyrtimi dhe aprovimi i Propozim vendimit për transfere dhe rialokim të mjeteve.

Afrim Limani – Ridestnimi i mjeteve është proces ligjor i cili është në kuadër të ligjit të financave publike dhe përgjegjësive dhe ne si komunë e kemi shfrytëzua këtë fazë pra këtë të dejtë dhe komuna jonë pra

organizata jonë ka një pjesë të mjeteve të cilët për një arsye apo tjetër duhet të ridestinohen dhe kryesisht janë pjesa e mjeteve që kanë mbetje në kuadër të disa projekteve gjithashtu e kemi edhe fondin rezervë që është në drejtorinë e shëndetësisë për shkak të rezervave nga pozicioni i pagave dhe këto mjete dhe ne disa drejtori tjera kemi paraparë që duhet të ridestinohen. Shuma e bartur për ridestitim është 192,056 euro dhe këto mjete nuk janë vetëm nga pjesa e granteve mirpo ka mjete edhe nga ana e të hyrave vetanake. Që të mos ju marr me shume kohë për secilin projekt se ku duhet të ridestinohen dhe ne cilët projekte ju lë hapësirë që të mund të bëni ndonjë pyetje, kuptohet kërkoj aprovimin e juaj.

Munib Durguti – Te vendimi kisha propozua që të plotësohet e sidomos te pika 1, pra miratohet vendimi për transfer dhe rialokim të mjeteve në vlerë, pra të shkruhet vlera sa rialokohen nga të hyrat vetanake dhe sa nga kapitalet. Kjo vetëm sa të jete vendimi pak me i plotë në aspektin e informacionit që e ka. Nuk kam ndonjë propozim tjetër për bartje të mjeteve. Faleminderit

Aferdita Thaqi – Përshëndetje për te gjithë. Kam diçka pasi jam edhe vendase me drejtorin e Financave, vetëm dua të di se a paguhet me shume pasi prej të gjithë drejtoreve është ai që punon me shume, pasi ka drejtorë që nuk janë ndegjue asnjëherë duke folur.

Fehmi Cena – Pra është fjala për një kërkesa që po kërkohet për ridestitim të mjeteve të pashfrytëzuara nga investimet kapitale në shumen dikun 177,056 euro, ridestitimi po shihet që është përsëri për investime kapitale mirëpo ne në fakt si grup e kemi analizuar këtë planë se ku do të shfrytëzohen këto mjete. Mendoj se nuk jemi të kënaqur edhe me atë që po kërkohet një ridestitim i tillë për arsye se po shihet se planifikimi ka qenë i dobët ose nuk është punuar në realizimin e këtyre projekteve. Po ashtu edhe për ridestitim i kemi disa vërejtje, po filloj nga administrata, mos ndërtimi i E-kioskut, kodi 47975 në vlerë 1500 euro, kërkohet transfer ne turizëm dhe shtigje të ecjes kodi 48159. Pyetja është pse nuk është ndërtuar një E-kiosk kryetar duke ditur se ka qenë e planifikuar buxheti ka qenë i ndarë dhe nuk është fjala vetëm për një E-kiosk që e kemi këtu te komuna por me siguri është fjala edhe për kioskë tjera që i mundësua të shërbehen qytetarët duke ditur se çfarë roli ka E-kiosku e sidomos për këtë periudhë të pandemisë. Unë mendoj dhe nuk e di ju a e keni pas të planifikuar me herët se E-kioske të tjera ka nevojë me pas çdo kund ku është zyra e gjendjes civile si në Ratkoc, Xerxe, Ratkoc. Pastaj situata kritike në bujqësi kodi 49929, vlere 30,000 euro që po kërkohet rialokim për ndërtim dhe mirëmbajtje e rrugëve fushore kodi 40822, që unë mendoj që këto mjete kanë mundur me shfrytëzua për rastet kritike pasi kemi pasur sivjet dëme në bujqësi, nga vërshimet nga breshëri dhe keni mundur me i shfrytëzua këto dhe pse kanë mbetur këto pa u shfrytëzue, që kërkojmë shpjegime rreth tyre. Pastaj vazhdimi i ndërtimit të shtëpisë muze Ukshin Hoti në Krushe të Madhe kodi 40865 me vlerë 30,000 euro, kërkohet rialokim dhe riparim i shtëpisë se kulturës në Ratkoc me vlerë 30,000. Në buxhetin e këtij viti që ka kaluar ne këtë kuvend i kemi ndaje 20,000 për renovime në shtëpinë e kulturës në Ratkoc dhe tash me këto 30,000 po bëhen 50,000 euro dhe nëse shikojmë komizën afatmesme buxhetore janë ndarë 80,000 euro për renovim të shtëpisë se kulturës në Ratkoc për tre vitet e ardhshme dhe neve na duket se po bëhen të tepërta shpenzimet për renovimin e objektit të shtëpisë se kulturës Ratkoc që edhe për këtë duam sqarime për arsye se kemi shtëpi të kulturës edhe në Xerxe edhe në Krushe të Madhe dhe Rahovec dhe nuk po ndajmë për renovime dhe pyetja është se pse po ndahen këto mjete për çdo vite që po shpenzohen për renovimin e atij objekti duke marr parasysh se objekti është i ri por edhe nëse ka nevojë për renovim atëherë le të ndahen përmjeherë që të rinovohet ky objekt dhe le të dimë se objekti është i gatshëm për me funksionue dhe nuk ka nevojë që për çdo vjet për renovim të një objekti. Pastaj vendosja e tabelave për emërtime dhe informuese kodi 49914 me vlerë 15,000 euro, rialokim krijimi i hapësirave të gjelbëruara dhe drunjtëve dekorativ kodi 47914. Kryetar, edhe këtu mendoj se drunjet dekorativ që kemi pasur vërejtje edhe me përpara dhe kemi vërejt që nëse është fjala për drunjtë që po mbillen skaj rrugëve që shumica prej tyre po thahen edhe ju po vazhdoni me investua dhe dua të ju rikujtoj se për këtë vite janë 50,000 euro, për vitin 2021 100,000 euro për vitin 2022 edhe 100,000 euro tjera pra janë ndarë 250,000 euro për drunjtë dekorativ. Krejt ne rregull është nëse ky shpenzim bëhet për mbjellje edhe gjelbërim të sipërfaqeve të pagjelbruara që kemi mjaft si neper fusha apo

pyje edhe do të ishte mirë që ti orientoni këto shpenzime pikërisht në gjelbërimin e këtyre sipërfaqeve dhe nëse ka nevojë të bëni edhe me agjensionin e pyjeve sikurse po bëjnë disa komuna. Gjithashtu ju sugjerojmë se pse nuk organizoni aksione të ndryshme me rini me nxënës me pensionera që me dalë me mbjell sipërfaqe me pyje me gjelbërime dhe kjo do të kushtonte shumë me pak dhe mendoj se janë projekte shumë të shtrenjta dhe fidanët po i bleni shtrenjte edhe për këtë duhet me na dhanë shpjegime. Pastaj restaurimi i objektit përkujtimor për 64 të masakruarit në Krushe të Madhe kodi 48201 me vlerë 20,000 euro, edhe këtu pyetja është se pse ky projekt nuk është realizua duke ditur se buxheti është ndarë edhe është vendimi i kuvendit komunal. Kërkojmë këto sqarime përndryshe ne kemi menduar që një pjesë e kësaj shumë të investohet në ato projekte që i kemi kërkuar edhe me herët si në rrjetin e kanalizimit investime me shumë, ne gropa septike dhe impiante kanalizimi, ujërat atmosferike për qytet të Rahovecit, ndërtimi dhe rregullimi i disa rrugëve që i keni disa kërkesa për qytetin e Rahovecit për ndërtimin dhe rregullimin e disa rrugëve që nuk i keni paraparë aspak, kështu që ne si grup nëse e votojmë këtë ridestitim të mjeteve me tepër do ta bëjmë për shkak që mjetet të mos shkojnë në suficitë.

Fehmi Hoxha – Faleminderit për mirëkuptimin tuaj kryetar, kam disa pyetje si projekti për vazhdimin i ndërtimit të shtëpisë muze Ukshin Hoti 30,000 euro që kanë qenë të parapara, atëherë pse nuk po vazhdon ky projekt, pastaj vendosja e tabelave për emërtime dhe informuese 15,000 euro dhe konsideroj se këto mjete i duhen komunës se ka shumë tabela që janë dëmtuar dhe që duhen të zëvendësohen në tere territorin e komunës se Rahovecit, kështu që për një punë është shumë me rëndësi me krye dhe ju sugjeroj që ti shihni mundësitë dhe mos i largoni këto mjete se nuk keni me mundur me krye punë pasi shumë tabela janë të dëmtuara në tërë territorin e komunës se Rahovecit, Gjithashtu e tha edhe kolegu Fehmi Cena, restaurimi i objektit përkujtimor për 64 masakruarit në fshatin Krushe e Madhe edhe këtu një sqarim se pse nuk po vazhdon ky projekt dhe po e shoh që duhet të rialukohen këto mjete në ndërtimin e qendrës rinore dhe kulturore në Rahovec 5000, atëherë çfarë qendre rinore dhe kulturore dëshironi me bo me kete shumë, pasi i bartni 30,000 në Ratkoc kurse 5000 në Rahovec për qendrën kulturore. Pra sinjerisht do ishte mirë që hi mos me qitë këtë që po doni me ndërtua që me 5000 euro me ndërtua diçka në Rahovec. Unë kam menduar se kur kam propozuar me herët që në kuadër të kësaj kohe pa kohe të pandemisë, kam kërkuar prej kuvendareve që të ndihmohen bizneset e vogla dhe e keni në drejtorinë e zhvillimit ekonomik vetëm 20,000 mjete të ndara dhe kam menduar me këtë ridestitim që do të plotësohet kodi dhe të ndihmohen bizneset e vogla në Rahovec, gjë të cilën nuk e keni bërë. Ju keni premtuar se do të plotësoni këtë kodë edhe ne te ardhmen do e diskutojmë nëse vazhdon pandemia pasi shihet që çdo here po vjen edhe me keq për bizneset dhe kam menduar që këtu do ta plotësoni atë kodë dhe besoj se duhet të bëni diçka rreth kësaj. Po ashtu keni thënë që prej 600,000 eurove që do i merrni dhe që nuk janë askund dhe Demos që di i plotësoni shumë kode edhe bizneset prape po ju kërkoj që të gjendet mundësia që të ndihmohen të paktën ka 200 euro në muaj.

Rasim Fazliu – Unë nuk do të përsëris koleget për të gjitha ato që u folën me herët por do të ndalesha konkretisht diçka që me te vërtet i bien se nuk është bërë planifikimi i mirë sepse disa kode buxhetore që kanë pasur me u realizua nuk po realizohen dhe po bëhet ridestinimi në kode tjera buxhetore. Unë dua të jem konkret për diçka, pasi kemi një shoqëri kulturore artistike e që është shumë aktive në Komunën e Rahovecit e ajo është shoqëria kulturore artistike Bajram Curri në Krushe të Madhe edhe kryetari dhe ne te gjithë jemi dëshmitarë te saj se lokali që kanë ushtruar vazhdimisht është rrënuar për arsye që i dimë të gjithë dhe meqenëse jemi te transferi dhe rialukimi i mjeteve neper kode te caktuara buxhetore kisha propozua dhe kisha dhënë një mendim që nga këto mjete, me i bo një vend shoqërisë kulturore Bajram Curri që me ushtrua pasi me te vërtet që një vite gjendet në një situatë të keqe pasi një shoqëri siç është ajo shumë aktive edhe me ja bo të mundshme një vend adekuat që me pas mundësi me bo ushtrime dhe nëse ka mundësi që nga këto mjete që janë me dhanë ndonjë ide që me bo të mundshme që me ushtrua veprimtarinë e tyre.

Kryetari – Faleminderit shumë për kontributin, e para po i përgjigjem të gjithë që kanë ngritë shqetësime, unë them se bizneset po ndihmohen edhe sot, pra janë duke u ndihmuar të gjitha bizneset që kanë nevojë për

ndihmën tonë me kapacitetet tona buxhetore dhe përsëri do të lirohen nga taksat tash dhe janë disa kategori të bizneseve që janë trajtua edhe po ndihmohen përmes thirrjeve publike nga buxheti që e kemi për këtë vite. Për pyetjen e parashtruar nga Fehmi Hoxha për grantin e performances, ai nuk shfrytëzohet sivjet dhe ai do të shfrytëzohet vitin e ardhshëm dhe është shumë mirë që e ka fitue komuna jon dhe besoj që do të ketë projekte të reja jashtëzakonisht të rëndësishme e të cilat i ka kalue kuvendi i komunës e ka miratua kur e ka e ka miratua buxhetin. U përmend E-kiosku, pasi u ndërtua e-kiosku dhe kanë teprue mjetet dhe vitin e ardhshëm planifikohen e-kioska tjera, pasi ne nuk lejojmë me shkua paret ne suficite prandaj duhet me i rialokue apo ridestinue, pasi ka nevojë edhe për e-kioska tjera si ne Rahovec, Krushe, Xerxe dhe një në Ratkoc ndoshta edhe dikun tjetër dhe janë të planifikuara në kodin për vitin e ardhshëm. Këto mjete ne nuk mundemi të nisemi me 1500 një procedure të re prandaj jemi detyruar me i rialokue apo me i shpërndaje këto mjete. Pastaj investimet në turizëm dhe shtigje të ecjes, ne kemi kontratë dhe nuk mundemi assesi pa i mbyllë kontratat, pasi kemi kontratë me operatorin që e i ka krye shtigjet e ecjes edhe 1500 euro duhet me ja dhanë që me ja lehtësua barrën ose me mbyllë kontratën. Tek shërbimet e shëndetësisë primare nga fondi rezervë, të transferohen në ne programin dhe ne kemi një pjesë 41,000 kemi vendosë teknologjike mjekësore dhe mirëmbajtja e tyre ndërsa pjesa tjetër ndërtimi i QMF-së në Opterushë. Pastaj shtëpia e kulturës në Ratkoc ka kontratë dhe 110,000 euro është kontrata dhe kur e kemi lidhë kontratën ishin 1000 euro dhe tash duhet me i qitë sepse operatori është duke kryer punë edhe sivjet e përfundon edhe ne natyrisht duhet me i bo pagesat për punët e kryera pra është firma Euroing dhe po ashtu po bëhet edhe biblioteka edhe zyrat e gjendjes civile dhe po ri akomodohen dhe sigurisht do të hiqen nga objekti që është në qendër të fshatit por ne vetëm po zbatojmë kontratën d.m.th. po i japim mjetet për me përmbush kontratën, pasi kontrata ka qenë me e madhe financiarisht kurse buxheti ka qenë shumë e vogël kur u lidh kontrata. Tek shtëpia muze Ukshin Hoti, e kemi pasur në kodë në qeverinë Haradinaj, e kemi pasur financimin nga MKRS-ja të projektit të fazës dyte të Shtëpisë muze Ukshin Hoti dhe është hequr në qeverinë Kurti dhe ne kemi qenë në pritje që mos po e rikthejnë në rishikim të buxhetit dhe kjo nuk ka ndodhur. Kështu që kemi marr zotime nga Ministra e re e Kulturës se ka me u rikthye projekti. Ne nuk kemi mundur me hap procedurë deri sa ka marr përsipër MKRS-ja pasi veç ka qenë e planifikuar në kodin, por ne vetëm kemi ndaje që mos rastësisht po na kërkohet participim. Prandaj ne jemi detyruar që sivjet me heq kurse vitin e ardhshëm e vazhdue pasi projekti është i gatshëm edhe mu zhvillue procedura për lidhjen e kontratës për fazën e dyte të shtëpisë muze Ukshin Hoti dhe shpresojmë që MKRS-ja do të përgjigjet rreth kësaj dhe jam i bindur se ata kanë interes sepse këtë e kam bërë temë për heqjen e këtij kodi edhe para ish kryeministrit Kurti dhe ministres që e kemi pasur këtu dhe shpresoj se do të rikthehet kodi për shtëpinë muze kështu që ata para nuk lejojmë me shkue ne suficite por shkojnë në një pozicion tjetër dhe besoj që jemi dakord. Pastaj tek vendosja e tabelave për informim, siç e dini e kam nënshkruar urdhëresën dhe ka filluar procedura për me i vendos këto tabela informuese dhe me siguri këto mjete duhet te rialokohen dhe rishpërndahen që të rivendosen në kodin për hapësira gjelbëruese sepse kemi kontratë dhe ne duhet me i përmbushë obligimet ndaj operatorit. Tek drunjtë dekorativ, siç e dini në vitin 2017 e kam dhënë një zotim publik për 20,000 drunjtë dekorativ dhe sigurisht se e kam vizionin tim si kryetar komune. Tek dështimet e drunjtëve dekorativ ata do të zëvendësohen dhe nuk ka nevojë komuna me pagua dy herë pasi ka dy vjet garancion dhe krejt ato që janë thae, ata janë të obliguar me i zëvendësua dhe jam i bindur që pranverën e vitit të ardhshëm do të shihni se çka po ndodhë. Pra ne përmbushim kontratën që kemi për mbjelljen e drunjtëve dekorativ por nuk paguajmë dy here për një dru, këtë duhet ta ketë të qartë secili pasi edhe qytetarët duhet ta dinë dhe sigurisht se ka me u vërtetua kjo punë por se paku asamblistët ta kenë të qarte se kush ka punua në administratë e dinë, pasi ai ka obligim me zëvendësua atë dru që thaet. Te parqet po ashtu kemi kontratë, pra kontrata për drunjtë dekorativ dhe parqet e gjelbëruara apo mjediset e gjelbëruara është e përbashkët veçse një kodë është drunjtë dekorativ dhe një kodë për parqe. Pra është një kontratë e ndarë në dy lote, që njëra është për parqe që janë bërë 9 parqe dhe tjetra është për drunjtë dekorativ. Po ashtu është e vërtet që janë të kushtueshëm por jo sa mendon sa janë të kushtueshëm pasi dikun 15 euro është një dru dekorativ mirëpo

neper komuna tjetër ndoshta që kushton 50 euro dhe m varet se çfarë drunjtë janë,. Por jam i bindur se puna me drunjtë dekorativ dhe mjediset e gjelbëruara janë në funksion të frymës tonë të qartë që kemi të gjithë për mbrojtje të mjedisit dhe me krijua mjedise sa me shume të gjelbëruara që janë edhe ne të mirën e shëndetit të popullatës por edhe për me i shtue bukuritë e këtij vendi. Tek ndërtimi qendrës rinore, unë pajtohem qe me 5000 euro asgjë nuk mundet me u bo, qe realisht as projektin nuk mundesh me bo. Ne e kemi hapur këtë kodë me mundësi të ndërtimit te një qendre multifunkionale multikulturore për rini për kulture e ku do të akomodohen galeria e arteve biblioteka shkolla e muzikës e plot gjëra tjera. Dhe tash ne jemi duke e hartuar projektin dhe këtë e ka marr përgjegjësin MKRS-ja me financua. Këto 5000 euro ne nuk kemi mundur me i shfrytëzua edhe pse vitin e kaluar i kemi pasur këtë shume deri sa e kemi pritur një momentum të përshtatshëm dhe po shpresojmë se po krijohet mementumi i përshtatshëm për me u ndërtua një qendër ku do të akomodohen kërkesat dhe nevojat e shume grupeve të interesit dhe shoqërore që ka komuna jonë, pasi i mungon komunës tonë një objekt multifunksional. Pasi ajo shtëpia e kulturës që e kemi tani, ne momentin që ndërtohet këtu ndoshta duhet me mendua për me rrënuar krejt atë atje si objekt me rrënuar por jo sallën. Pra nëse e merr përsipër Ministria e Kulturës rinise dhe sporteve siç jemi d akorduar atëherë ne do të jemi komod dhe do të kemi mundësi që vërtet me pas një objekt edhe te bukur edhe multi funksional edhe që i përmbush kërkesat e shume grupeve të interesit në komunën e Rahovecit. Te ndërtimi i terreneve dhe rregullimi i qendrës kulturore ne Rahovec i kemi qitë edhe terrenet sportive pasi kemi kontratë dhe duhet me përmbushë dhe këto 5000 euro riallokohen te rregullimi i terreneve sportive. Po ashtu kemi edhe një shqetësim që e ka ngritur Rasim Fazliu për shoqërinë kulturore artistikë Bajram Curri, ne e kemi rrënuar atë objekt dhe po ashtu është e vërtet se janë keq dhe apo ashtu është e vërtet që ne do të kujdesemi që në këtë ridestitim ne do të kujdesemi dhe nuk guxojmë me hap kodë të ri por ne do të kujdesemi që të sigurojmë një mjedise me te përshtatshëm me mjedise tjera të përshtatshme për nevojat e ansamblit Bajram Curri që është me traditë mbi 45 vjeçare. Pra ne i kemi ndihmuar shoqërisë kulturore artistike dhe të gjitha grupeve kulturore artistike i kemi ndihmuar me subvencione dhe tash për mjedisin se ku me i zhvillua veprimtarinë për ushtrime atëherë ne duhet me u kujdes vitin e ardhshëm me bo diçka pasi sivjet nuk kemi. Nese mendon dikush se kemi mbet borgj, mendoj që edhe Fehmi Cenes nuk i kam mbet borgj. Po ashtu te restaurimi është mirë me ditë kuvendi i komunës se Rahovecit që kur është bërë shpronësimi i asaj sipërfaqe 1 ari e disa metra katror, ky shpronësim është bërë nga departamenti për shpronësim me vlerë 3935 euro dhe nuk është pajtuar pronari pra kryefamiljari dhe na ka bllokue. Ne jemi ne situatë që nuk dëshirojmë me heqë dorë për shkak se per pronarin ky është nënçmim total mirëpo tash sikur të ishte e imja e kisha lëshua pa asnjë çmim mirëpo duhet me kuptua se ai e ka të drejtën e vet dhe ai s'po pajtohet me shumen që e ka caktuar departamenti dhe ne kemi bërë përpjekje që te gjejmë një zgjidhje po ashtu jemi munduar që të gjejmë një zgjidhje të duhur që me pas mundësi me i ndihmua diçka tjetër pasi nuk kemi mundësi me kthye atë vendim që kanë marrë departamenti në kuadër të Ministrisë se Ekonomisë dhe ambientit pasi janë komision i certifikuar dhe janë ata që bëjnë vlerësimin e pronave dhe jo na. Tash ne duhet me riallokue këtë buxhete që mos me na shkua granti në suficite njëkohësisht ju e dini që e keni miratua përsëri nuk hequr dorë që edhe vitin e ardhshëm me bo një zgjidhje, pasi aty 64 persona janë masakrua dhe tash ne jemi të detyruar me i riallokue mjetet me i rishpërndaje që mos me na ikë dhe përsëri e keni restaurimin e shtëpisë se masakrës në Krushe të Madhe pasi ne nuk dëshirojmë me heqë dorë si komunë dhe ne besojmë se do të mbërrihet një zgjidhje pasi deri tash nuk kemi pasur zgjidhje edhe kjo ka ndodhë edhe këtë e dini edhe ju të gjithë e posaçërisht asamblastët me përvojë edhe këta që vinë nga Krusha e dinë pasi kemi një mospajtim total të pronarit pasi ndoshta ai ka menduar se do llogarisin shpronësimin me një çmim shume te madhe dhe ata nuk ja kanë vlerësua dhe unë nuk kam asnjë mundësi tjetër që me bo diçka ne këtë drejtim. U përmend edhe me herët mos planifikimi i mirë, pasi 2 apo 3 kode po i ridestinojmë por tepricat kanë teprua prej kontratave dhe nuk kemi çfar të bëjmë por vetëm shtëpia muze e Ukshin Hotit që ju dhashë sqarimin, shtëpia e masakrës, qendra multifunkionale multikulturore, të gjitha të tjerat janë në kuadër të tepricave që duhet me i rishprendae me aprovimin e anëtareve të kuvendit që mos të

shkojnë ne suficite. Pra kjo është kërkesa e imja dhe unë kërkoj me votue ridestinimin sepse është mundësi e mirë për me i operacionalizue edhe këto mjete që nuk janë edhe shume ,pra behet fjalë per mbi 170,000 euro dhe unë ju kërkoj votën e të gjithë asamblistëve pasi është mirë me shfrytëzua momentumin e përshtatshëm si asamble që mos me ju dhanë mundësi me na ikë këto mjete që i kemi, pasi janë mjete të komunës se Rahovecit dhe i takojnë komunës se Rahovecit që me i shpenzua.

Afrim Limani – Edhe une deshta me dhanë një informatë në lidhje me pyetjet që u ngritën nga asamblistët. Konsideroj që planifikimi nuk është i dobët në këtë rast sepse ne përqindje të buxhetit ky ridestitim i cili kërkohet ne bazë të ligjit nuk e kap as 3%. Pra vetëm 70,000 euro nga granti i kemi pjesë të tepricave, d.m.th. e kemi E-kioskun 1500 euro dhe 61,000 euro i kemi nga pagat rezervë në shëndetësi që patjetër kete duhet me ridestinue. Për projekte tjera më se miri e dha arsyetimin kryetari dhe ky ridestitim po bëhet si rezultat i faktorëve të jashtëm që ne nuk kemi pasur qasje të drejtpërdrejt si p.sh. ndërtimi i shtëpisë muze Ukshin Hoti nga faktorët e jashtëm pasi konsideroj që Ministria e Kulturës mendoj se ajo ka pasur me udhëheq procedurat e tenderimit edhe buxhetin. Po ashtu ne kemi pasur ne kemi pasur një marrëveshje dhe aty e kanë hequr nga linjat buxhetore buxhetin edhe ne gjithsesi duhet me i ridestinue këto mjete të cilat ne i kemi planifikuar. Pastaj informatë tjetër me rëndësi, sipas ligjit të financave publike dhe përgjegjësi, buxheti nga një program në programin tjetër të kryhet në shumen 100% por nëse dëshirojmë prej një programi me i ridestinue mjetet me një program tjetër atëherë e drejta jonë është 15% d.m.th. ky është një akt që ndoshta na ka kushtëzuar neve që krejt mjetet të i bartim në kuadër të drejtorive, se ndoshta me e arsyeshme dhe nevojshme ka qenë po supozojë prej ekonomisë me i qitë në shërbime publike mirëpo ligji në këtë rast 15% nuk e ka lejua dhe jemi detyruar që me shfrytëzua hapësirën 100% edhe ato mjete nga programi në programin konkret. Dhe shuma totale e ridestinitimit në buxhet është as 3%.

Fehmi Hoxha – E –kiosku është vendosur vitin e kaluar 2019 kurse per vitin 2020 ka qenë e planifikimi dhe unë kam pritur që të bëhet edhe një e-kioskë ndoshta jo ketë por ne Krushe Xerxe apo ne Ratkoc, pasi është e nevojshme dhe kështu e kam kuptuar dhe mendoj se është edhe kështu.Rek sqarimet që i dhatë me herët krejt ne rregull është pasi thuani se qenka kontrata për drunjtë dekorativ, po ashtu është kontrata edhe per shtëpinë e kulturës në Ratkoc 110,000 por ndoshta do të ishte mirë me na u sqarue edhe me herët pasi shohim se për çdo vite shtohet shuma aty dhe jemi të interesuar me dit se ku po shkojnë dhe pse po shkojnë dhe shpeshojmë që të kryhet me qito 110,000 euro dhe të mos kemi shpenzime për të njëjtin objekt. Tek restaurimi i objektit përkujtimor në Krushe të Madhe të 64 masakruarve, mendoj që është ne rregull siç e thatë edhe ju që ky projekt mos të bie poshtë sepse është edhe vendim i kuvendit komunal dhe te gjithë jemi pajtuar edhe personalisht mendoj që është pozitive ta kemi ne atë por ju duhet të punoni që ajo pengesë që qenka me u tejkalua, pasi nëse është në pyetje parja që nuk është e madhe atëherë ne si kuvend komunal mundemi me aprovua sepse edhe ashtu po e shoh se gjithsej janë ndarë 55,000 euro dhe nëse ka nevojë me u ndaje dhe për diçka tjetër të restaurohet sepse gjurmët e një objekti të tillë çfarë ne e kërkojmë me pas rolin, ato po zhduken dhe nesër apo pasnesër pastaj nuk e ka rolin e njëjte objekti që mendohet të shërbej aty si muze sikurse sot me ndërtua apo pas ndonjë viti.

Kryetari - unë nuk dua të i mbes borgj askujt e as Fehmi Cenës, ndoshta ne kuvend mund të vimë me ndonjë propozim të ri, unë veç ju tregova se shtëpia e masakrës aq është vlerësuar mirëpo pronari nuk po pajtohet me shumen e shpronësimit dhe nuk kam të drejtë me komentua. Ndoshta do të vinë në kuvend të komunës se çka mundem me bo që me mbërri prandaj nuk kemi hequr dore edhe për vitin 2021 prapë është kodi dhe prape janë mjetet. Tek E-kiosku ka kontrata që lidhen me 1000 euro kurse e-kiosku ndoshta kushton 12,000 euro dhe ne kur kemi bërë e-kioskën e kemi bërë ne fund të vitit por pare ska marr dhe vetëm e ka vendos e-kioskun dhe pastaj i ka marr paret pasi kanë qenë të planifikuara për këtë vite dhe tash kanë teprua këto në kuadër të këtij planifikimi. Unë ju ftoje edhe një here për votim. Faleminderit shume

Rasim Fazliu – Mendoj që ne i dhamë diskutimet tona rreth ridestinitimit të mjeteve dhe kryetari na dha sqarimet. Unë po flas ne emër të grupit të PDK-së nuk jemi për me shkua mjetet ne suficite por jemi për me bo

ridestininimin e mjeteve dhe vazhdojmë tutje. Pra grupi i PDK-se e mbështet ridestininimin e mjeteve. Faleminderit

Munib Durguti – N fillim të diskutimit e hapa diskutimin me një vërejtje për një kërkesë për plotësimin e vendimit edhe nuk mora përgjigje, pasi mendoj se kjo ishte me tepër për zyrën ligjore.

Kryesuesi – Faleminderit shume z. Durguti, e qesim në votim pikën e katërt të rendit të ditës. Konstatoj se unanimisht aprovohet pika e katërt e rendit të ditës. Kalojmë në pikën e peste të rendit të ditës:

5. Shqyrtimi dhe aprovimi i Propozim vendimit të kryetarit të komunës, për caktimin e lokacionit për trajtimin dhe deponimin e mbeturinave inerte në Celinë, P-71513083-00231-0.

Kryesuesi – Të nderuar kuvendar kam një propozim për ju nëse jeni të pajtimit, pikat 5,6,7,8,9, e kanë të njëjtin çelim, vetëm se dallojnë parcelat dhe lokacioni. Prandaj pas prezantimit të këtyre pikave nga drejtori Oruqi kisha kërkuar nga ju që ti votojmë të gjitha në bllok.

Afrim Oruqi – Përshëndetje për të gjithë të pranishmit, të nderuar para jush keni propozim vendimin për caktimin e lokacionit për trajtimin dhe deponimin e mbeturinave inerte nga ndërtimet dhe demolimet e objekteve ndërtimore. Këtu kemi të bëjmë me një parcela të cilat janë në zonën kadastrale në Celinë, Nagavc dhe tre parcela janë në Krushe të Madhe, këto parcela në Krushe të Madhe janë në kufi njëra me tjetrën. Qëllimi i këtyre vendimeve është që të caktohet lokacioni për trajtim dhe deponimin e mbeturinave inerte, ftojë kuvendarët që ti përkrahin këto pesë propozim vendime.

Rasim Fazliu – Pajtohem plotësisht me këto propozime që të caktohet lokacioni për trajtimin e mbeturinave inerte, ne jemi të pajtimit dhe do ti përkrahim, me anë të kësaj do të mbrohet edhe mjedisi i komunës së Rahovecit. Por ajo që desha të potencoj është se kam një propozim sa i përket vendimit për fshatin Celinë, kishte me qenë mirë që të ceket se në lokacionin e cekur për fshatin Celinë, të drejtë për hedhje të mbeturinave inerte kanë vetëm banorët e fshatit Celinë. Arsyeja pse e them këtë janë të shumta, njëra nga to është se rrugët e fshatit i kemi shumë të ngushta dhe nëse vinë edhe i hedhin mbeturinat edhe nga fshatrat për rreth do të na shkaktojnë probleme të shumta në fshat, jam i mendimit që ky propozim të jetë edhe për pikat e tjera.

Fehmi Hoxha – Të gjitha këto propozime janë të arsyeshme, por pyetje ime për drejtorin është: a keni bërë ndonjë studim fizibiliteti sa i përket caktimit të këtyre lokacioneve, pastaj pyetje e dytë është: a keni mbajtur ndonjë debat publik së paku me atë lokalitet ku do të jenë këto deponi. Përndryshe jemi pro këtyre propozimeve, por procedurat duhet të kryhen paraprakisht.

Fehmi Cena – Shumë mirë që drejtorja ka marrë iniciativë për caktimin e lokacionit për deponi inerte sepse me të vërtet kanë nevojë banorët e këtyre zonave, pastaj me këtë veprim do të mbrohet edhe ambienti dhe nuk do të hedhen mbeturinat vend e pa vend. Ne si kuvendar kemi kërkuar në të kaluarën që të ketë më shumë lokacione të këtilla, sepse deri më tani ka qenë vetëm një në qytet, sa i përket propozimit të kolegut z. Fazliu, mendoj se rreth kësaj duhet të mendohet pak më mirë, mendoj se nëse një lokacion është shumë afër vendbanimit, kjo që r ka propozuar z. Fazliu ka arsyeshmëri, por nëse është në periferi të vendbanimit atëherë mendoj se do të ishte mirë që edhe banorët e fshatrave për rreth ti i hedhin mbeturinat inerte sepse tani për tani ato nuk kanë ku ti hedhin. Poashtu mendoj se duhet të ceket se këto lokacione duhet të kenë edhe mbikëqyrje, pra të jenë nën kontroll.

Ali Morina - Së pari e kisha falënderuar drejtorin për këtë iniciativë, poashtu e inkurajoj që ti gjejë lokacionet nëse është e mundur për secilin vendbanim, menaxhimi i mbeturinave inerte ka qenë dhe do të mbetet sfida për komunën e Rahovecit edhe pse komuna ka bërë mjaftë në këtë drejtim. Ne si grupe i AAK-së i japim mbështetje të plotë këtyre propozimeve.

Kryesuesi – Ju falënderoj për diskutimin e zhvilluar të nderuar kuvendar, fjalën ja japë z. Oruqi nëse ka ndonjë sqarim për të ju dhënë.

Afrim Oruqi – Sa i përket pyetjes së kuvendarit z. Fazliu, i nderuar kjo që e keni propozuar ju është e pamundur sepse ne kemi dalë në teren dhe i kemi kontrolluar shumicën e zonave dhe ka fshatra që nuk kanë

lokacion të përshtatshëm për hedhjen e mbeturinave inerte, prandaj kemi menduar që në ato vende ku është prona e shtetit dhe ka fshatra tjera afër të shpallen zona për deponi legele. Mendoj se nuk kishte me qenë mirë që të specifikohet se kanë të drejtë vetëm banorët e një fshati sepse do të na nxjerrin obligime të tjera ligjore. Kurse sa i përket pyetjes së kuvendarit z. Hoxha, ne para se me vendos një lokacion një herë jemi takuar me kryetarët dhe këshillat e fshatrave, shkaku i pandemisë kemi menduar se nuk është e arsyeshme që të bëjmë më shumë takime. Po ashtu ne një herë i kemi studiuar lokacionet pastaj janë caktuar si lokacione të mundshme, në këto zona aktualisht hedhen mbeturinat dhe mendojmë se janë zonat e përshtatshme dhe janë prona shtetërore të Kosovës. Kurse sa i përket pyetjes së kuvendarit z. Cena, ne jemi në teren dhe jemi duke u munduar që ti afrohem çdo lokaliteti, por siç e ceka jo në çdo fshat ka prona shtetërore të Kosovës dhe që janë të përshtatshme për hedhjen e mbeturinave.

Rasim Fazliu – Jam i vetëdijshëm që prona shtetërore është pronë shtetërore dhe kur të merret vendimi atëherë është normale që kanë të drejtë të gjithë të i hedhin mbeturinat, por unë e ceka në mënyrë të veçantë fshatin Celinë sepse ne si fshat nuk kemi rrugë tjetër për të shkuar tek ky lokacion i cekur por është vetëm një rrugë. Kurse lokacionet si në Krushë të Madhe dhe në disa vendbanime tjera, këto lokacione janë shumë larg fshatit dhe nuk paraqesin kurrfarë problemi, kurse ne Celinë po ju bëj me dije largësia në mes shtëpive të banueshme dhe lokacionit të cekur nuk ka më shumë se 300 m largësi, prandaj mendoj se kishte me qenë mirë që në këtë vendim të ceket ajo që e propozova më parë.

Kryesuesi – Edhe unë jam i pajtimt që në ato vende ku ka mundësi të cekën lokacione për hedhje të mbeturinave inerte të bëhet, kurse aty ku nuk kemi mundësi duhet të gjendet një zgjidhje. Të nderuar do i qesim në votim një nga një, pra për secilën pikë do të votojmë. Tani e qes në votim pikën e 5 të rendit të ditës:

- 5. Shqyrtimi dhe aprovimi i Propozim vendimit të kryetarit të komunës, për caktimin e lokacionit për trajtimin dhe deponimin e mbeturinave inerte në Celinë, P-71513083-00231-0.**

Konstatohet se në mënyrë unanime është aprovuar pika e pestë e rendit të ditës. Kalojmë në pikën e radhës:

- 6. Shqyrtimi dhe aprovimi i Propozim vendimit të kryetarit të komunës, për caktimin e lokacionit për trajtimin dhe deponimin e mbeturinave inerte në Nagavc, P-71510055-00809-0;**

Konstatohet se në mënyrë unanime është aprovuar pika e gjashtë e rendit të ditës. Kalojmë në pikën e radhës:

- 7. Shqyrtimi dhe aprovimi i Propozim vendimit të kryetarit të komunës, për caktimin e lokacionit për trajtimin dhe deponimin e mbeturinave inerte në Krushë të Madhe, P-71513005-00258-0;**

Konstatohet se në mënyrë unanime është aprovuar pika e shtatë e rendit të ditës. Kalojmë në pikën e radhës:

- 8. Shqyrtimi dhe aprovimi i Propozim vendimit të kryetarit të komunës, për caktimin e lokacionit për trajtimin dhe deponimin e mbeturinave inerte në Krushë të Madhe, P-71513005-00257-0;**

Konstatohet se në mënyrë unanime është aprovuar pika e tetë e rendit të ditës. Kalojmë në pikën e radhës:

- 9. Shqyrtimi dhe aprovimi i Propozim vendimit të kryetarit të komunës, për caktimin e lokacionit për trajtimin dhe deponimin e mbeturinave inerte në Krushë të Madhe, P-71513005-00256-0;**

Konstatohet se në mënyrë unanime është aprovuar pika e tetë e rendit të ditës. Kalojmë në pikën e radhës:

me propozimin e z. Rasim Fazliu: Konstatohet se në mënyrë unanime është aprovuar. Të nderuar kalojmë në pikën e radhës:

- 10. Shqyrtimi dhe aprovimi i Propozim vendimit të kryetarit të komunës, për shpallje me interes të përgjithshëm P – 71510057-01817-0 – Rahovec.**

Afrim Oruqi – Të nderuar kuvendar para jush e keni propozim vendimin për shpallje me interes publik P-71510057-01817-0, kemi të bëjmë me 6 ari e 91 m², zona kadastrale Rahovec, pronë shtetërore e republikës

së Kosovës dhe shfrytëzues i sajë është Kosova Petroli. Qëllimi i shpalljes është ruajtja dhe rritja e vlerës së pronës shtetërore dhe do të përdoret sipas nevojës për interes të përgjithshëm, ftojë anëtarët e kuvendit që të votojnë këtë vendim për shpallje me interes të përgjithshëm.

Fehmi Hoxha – Si duket jeni duke u ngutur me këto shpallje me interes të përgjithshëm, kuvendarët që janë që disa mandate ndoshta ju kujtohet, që kemi pas këtë të drejtë para formimit të AKP-së, Malisheva e ki shpallur shumë prona në interes të përgjithshëm dhe nuk kanë mundur pastaj të privatizohen. Por tani kjo parcelë është nën menaxhimin e AKP-së edhe pse nuk e di tani se cili është qëllimi i shpalljes së interesit të përgjithshëm të kësaj parcele, kishte me qenë mirë të na jepni një shpjegim pak më në detaje të na jepet një ide se cili është qëllimi i shpalljes së kësaj parcele, arsyeja pse e them këtë është që mos të humbim kohë dhe mos të biem ndeshë me ligjin. Në legjislaturat e kaluara ne kemi marrë vendim ku i kemi shpallë me interes të përgjithshëm të gjitha pronat e pa shitura që gjenden në territorin e komunës së Rahovecit të ishte NBI-së diku rreth 564 hektarë. Dhe besoni edhe pse pa fajë kryetari i komunës për këtë është përballur me ligjin, unë për vete jam por që çdo pëllëmbë e tokës të ruhet, por jo të shkelen ligjet në fuqi.

Munib Durguti – Ajo që mua më intereson është, a ka ndonjë pretendues rreth kësaj prone nga personat fizik, mos ndoshta kjo pronë është edhe nëpër gjykata sepse ka shumë nga ata që pas privatizimit kanë kërkuar të drejtën e tyre për kthimin e pronës, pra mos është në kontest kjo pronë.

Afrim Oruqi – Sa i përket pyetjes së kuvendarit z. Fehmi Hoxha se mos jemi duke u ngutur me këto vendime dhe mos jemi duke marrë ndeshë me ligjin, ne një herë jemi konsultuar me zyrën ligjore, poashtu jemi në koordinim të plotë me AKP-në. Sa i përket qëllimit të shpalljes së kësaj parcele me interes të përgjithshëm ne jemi tani në fazën e fundit të projektimit të sheshit qendrorë të qytetit të Rahovecit. Në këtë fazë që jemi ne tani ku kërkojmë nga ju që kjo të shpallet me interes të përgjithshëm, pastaj pas kësaj mbledhje do të kërkojmë nga ju që të na jepni pëlqimin për blerje të kësaj prone. Ne jemi duke vepruar sipas ligjeve në fuqi që të mundemi me e ble këtë parcelë nga AKP-ja, një herë kjo pronë do të vlerësohet, pastaj ne si komunë jemi të obliguar vetëm 20% të shumës bazë të paguajmë AKP-së. Kjo pronë është dhënë me qira nga AKP-ja deri në momentin kur shpallet interes i përgjithshëm dhe atëherë kontrata ndërpritet njëanshëm. Kurse sa i përket pyetjes së z. Munib Durguti se a ka ndonjë pretendim, i nderuar ka mundësi që të ketë sepse shumica e këtyre pronave në fillim kanë qenë edhe prona private, ku disa janë kompensuar dhe disa jo. Por edhe nëse ka pretendime dhe janë në gjykatë, por nuk ka aktgjykim neve si komunë nuk na ndalon që këtë pjesë ta përfshimë në projektin e sheshit qendror të qytetit.

Fehmi Hoxha – Sqarimi ishte shumë në rregull edhe pse ma kishte marrë mendja që mundet të jetë pjesë e sheshit, por vitin e kaluar i kam propozuar kryetarit që të negocioj me AKP-në për ndërtesën e ish Podrimës, që sot është kafe bar Hardhia. Po ashtu edhe ka fundi i mandatit të PDK-së kemi biseduar dhe na është dhënë mundësia që rreth 30,000.00 € të i japim që të blejmë ne ndërtesën, por kaloj mandati, pastaj këtë ide ja kam propozuar kryetarit Latifi, por ai unë deri sa jam kryetar asnjë herë nuk blejë tokë nga komuna pasi ajo është toka e komunës, tash lindë pyetja çka u bo me atë premtim. Por nëse keni biseduar me AKP-në atëherë ne ju mbështesim, por nuk jemi që të shkelet ligji.

Kryesuesi – E qes në votim Propozim vendimin e kryetarit të komunës, për shpallje me interes të përgjithshëm P – 71510057-01817-0 – Rahovec: Konstatohet se në mënyrë unanime është aprovuar pika e dhjetë (10) e rendit të ditës. Kalojmë në pikën e radhës:

11. Shqyrtimi dhe aprovimi i Propozim vendimit të kryetarit të komunës, për shpallje me interes të përgjithshëm P- 71510037-01015-96, Xërxë.

Afrim Oruqi - Të nderuar kuvendar para jush e keni propozim vendimin për shpallje me interes publik P- 71510037-01015-9, me zonë kadastrale Xërxë, këtu bëhet fjalë për 87 m² nga sipërfaqja e përgjithshme e kësaj parcele e cila komplet është 9 ari 93m². Qëllimi shpalljes së kësaj parcelë është hapja e rrugës publike me interes të përgjithshëm, kjo parcelë është rrugë Rahovec – Prizren, në mandatin e kaluar ko rrugë është hapur dhe është e kalueshme, por arkitektët e kanë menduar për shkak të kthesës kjo rrugë është dashur edhe

pak prehet edhe pjesa private. Ne në anën e majtë të kësaj parcela para disa seance e kemi rregulluar, kurse tani pronari me të drejtë kërkon kompensim sepse rruga e ka prekur sipërfaqen nga 87 m², prandaj kërkon nga ne që të marrim vendim një herë që ta shpallim interes të përgjithshëm, pastaj të këmbëjmë me pronën private me një sipërfaqe të njëjtë 1 me 1, kjo bëhet gjithmonë përmes një komisioni i cili e bënë vlerësimin e pronave. Nëse kjo nuk bëhet atëherë qytetarët kanë të drejtë që të dërgojnë lëndën në instancat e tjera gjyqësore, ne nuk jemi të pajtimit që kjo të shkojë nëpër gjykata sepse atëherë duhet të paguajmë edhe shpenzimet e tjera. Ju ftojë që pas shqyrtimit të votoni këtë propozim vendim.

Kryesuesi – E qes në votim Propozim vendimin e kryetarit të komunës, për shpallje me interes të përgjithshëm P- 71510037-01015-96, Xërxë: Konstatohet se me 1 abstenim është aprovuar pika e njëmbëdhjetë (11). Kalojmë në pikën e radhës:

12. Shqyrtimi dhe aprovimi i Propozim vendimit të kryetarit të komunës, për dhënien e pronës komunale në shfrytëzim afatshkurtër personave fizik dhe juridik – Rahovec.

Artan Asllani – Përsëritet për të gjithë të pranishmit, para jush e keni propozim vendimin për dhënie në shfrytëzim të pronës komunale personave fizik dhe juridik dhe zhvillimin e procedurave të ankandit publik për dhënie në shfrytëzim afat shkurtër nga 1 (një) deri në 15 (pesëmbëdhjetë) vite. Prona kadastrale e cekur në pikën 1 të këtij propozimi gjendet zonën kadastrale Rahovec në qytet, e evidentuar P.SH. E Kosovës KK Rahovec, me numër të certifikatës së pronësisë P-71510057-01356-1, janë në Rr. “Xhevat Kasapi” p.n. në Palestrën Sportive Mizahir Isma në Rahovec. Gjithsej në këtë propozim janë 10 lokale dhe në propozim vendim e keni të cekur edhe hapësirat për çdo lokal me m². Qëllimi i dhënies në shfrytëzim të pronave të paluajtshme të Komunës – Lokaleve Afariste, është ruajtja dhe rritja e vlerës së pronës publike komunale dhe zhvillimi i aktivitetit biznesor dhe tu jepet mundësi qytetarëve të vetëpunësohen, ku rritja e aseteve ekzistuese ndihmon në rritjen e vlerës së asaj prone. Afati kohor për dhënien e pronës së paluajtshme të Komunës – Lokaleve afariste në shfrytëzim është afatshkurtër në periudhën prej 1 (një) deri në 15 (pesëmbëdhjetë) vite. Prona e paluajtshme në fjalë nuk e ndërron titullarin juridik, pronarë i saj mbetet Kuvendi Komunal i Rahovecit, Çmimi fillestar i pronës komunale është i caktuar sipas vlerës së përcaktuar në Rregulloren 01 Nr. 80/20 e datës 29.06.2020 për Taksa Komunale në Komunën e Rahovecit. Obligohen Drejtoria për Ekonomi, Zhvillim dhe Turizëm, Drejtoria për Gjeodezi, Kadastër dhe Pronë dhe Zyra e Prokurimit që në bashkëpunim me komisionin vlerësues të ofertave për dhënien e pronës së paluajtshme të Komunës në Shfrytëzim afatshkurtër dhe afatgjatë që të zhvilloj procedurat e ankandit publik. Të nderuar kuvendar ju ftojë që ta votoni këtë pikë të rendit të ditës.

Fehmi Hoxha – Është mirë që na ka ardhur kjo pikë sepse unë para dy mbledhjeve kam kërkuar që këto lokale të jepen në shfrytëzim sepse me dhënien në shfrytëzim hapim edhe vende të reja të punës dhe kjo është shumë pozitive. Falënderoj edhe një herë drejtorin për këtë pikë, por tani ka mbetur se për sa vite do i japim ne, ne para një mbledhje kemi marr një vendim që disa lokale që janë pronë e shtetit i kemi dhënë për 10 vite. Por tani nuk e di se a kishte me qenë në rregull që në fillim të i japim për 10 vite, prandaj propozimi imë është që të jepen për 5 vite, por nuk e kundërshtoj edhe nëse dikush propozon edhe për 10 ose 15 vite.

Kryesuesi - E qes në votim Propozim vendimin e kryetarit të komunës, për dhënien e pronës komunale në shfrytëzim afatshkurtër personave fizik dhe juridik – Rahovec për 5 (pesë) vite: Konstatohet se në mënyrë unanime është aprovuar pika e 12 e rendit të ditës. Kalojmë në pikën e radhës:

13. Shqyrtimi dhe aprovimi i Propozim vendimit të kryetarit të komunës, për lirim nga qiraja të gjithë shfrytëzuesit e pronës së paluajtshme komunale.

Artan Asllani – Edhe një herë përsëritet për të gjithë të pranishmit, para jush e keni edhe një propozim vendim për lirim nga qiraja të gjithë shfrytëzuesit e pronës së paluajtshme të Komunës (objekteve komunale dhe lokaleve afariste) për periudhën 01.10.2020 deri më 31.12.2020 në komunën e Rahovecit. Lirimi nga qiraja mujore sipas pikës 1 të këtij vendimi bëhet për të gjithë shfrytëzuesit e pronës së paluajtshme të komunës të cilët kanë kontrata për shfrytëzimin e objekteve komunale dhe lokaleve afariste që janë pronë e

Komunës së Rahovecit. Obligohet shfrytëzuesit e objekteve komunale dhe lokaleve afariste të Komunës së Rahovecit që obligimet e mbetura deri më 30.09.2020 ti kryejnë më së largu deri me datë 01.12.2020. të nderuar kuvendar ne shumë herë kemi diskutuar se si të i përkrahim bizneset në kohën e pandemisë Covid - 19, në këtë vite ne nuk kemi pasur mundësi të mëdha që ti dalim në ndihmë bizneseve, për arsye se një vite para bëhet edhe planifikimi i buxhetit. Në këtë vite edhe më parë kemi mare vendime për lirim nga qiraja dhe lirim nga taksa për 3 muaj, prandaj ju ftojë edhe një herë që ta përkrahni edhe këtë pik të rendit të ditës.

Fehmi Hoxha – I nderuari drejtor nuk keni mare ju vendim për lirim nga taksa por ka marrë vendim kuvendi komunale, po ashtu ju nuk e keni propozuar këtë propozim për tu liruar nga qiraja poashtu që të subvencionohen nga 200 € bizneset e vogla, por e kam propozuar unë në emër të grupit të PDK-së. Më vije mirë që jeni duke e vazhduar traditën e propozimit tonë, por përsëri kam një propozim, propozimi imë është që të lirohen për 6 muaj e jo për 3 muaj, sepse pritet një dimër goxha i fortë, pastaj siç e dini pandemia është duke shkuar vetëm në rritje.

Kryesuesi – Faleminderit z. Hoxha për propozimin e dhënë, por edhe unë jam pro asaj që të jetë për 3 muaj dhe nëse është nevoja ne mundemi përsëri të marrim vendim për të vazhduar edhe për tre muaj të tjerë. Por shpresojmë se do të kalojmë këtë krizë globale që e ka përfshirë të gjithë botën.

Artan Asllani – I nderuari z. Hoxha nëse unë kam pasur ndonjë bashkëpunim me kuvendarët e komunës së Rahovecit ai je ti, këtë po e them publikisht, ne si qeverisje komunale nuk e kemi ditur se sa do të zgjasë pandemia në mënyrë që të marrim në fillim ndonjë veprim për ti ndihmuar bizneset. Por po të them sinqerisht që para se të propozosh ti në kuvend propozimin për lirim nga taksa, këtë propozime kamë pasur edhe unë dhe kam qenë shumë i pajtimit kur e keni propozuar ju, prandaj po e them se vendimet nuk i marrim ne i merrni ju por propozimet kanë qenë të përbashkëta dhe është mirë kur kemi këso bashkëpunime.

Fehmi Hoxha – I nderuari drejtor a e dini pse propozova që të jetë për 6 muaj, sepse me të vërtetë bizneset e vogla janë në një gjendje shumë të vështirë, e kuptoj që nuk kemi pasur mundësi që ti ndihmojmë me nga 200.00 € sepse nuk kemi pasur buxhet. prandaj jam duke propozuar që të shkojmë me 6 muaj pasi nuk kemi pasur mundësi që ti dalim në ndihmë me shumën prej 200.00 €.

Fehmi Cena – Ne këtë pikë e kemi shqyrtuar edhe në KPF, ku kemi kërkuar që të bëhen disa plotësime nga ana e drejtorit, ku kemi kërkuar se sa është numri i lokaleve dhe sa është shuma e përgjithshëm që në këtë rast do të falen nga ana e komunës. Ne jemi pro këtij propozimi të propozuar nga ana e drejtorisë, por nëse shikojmë propozimin e z. Hoxha që të shkojmë për 6 muaj, nëse shikojmë se a kanë nevojë këto biznese mendojmë se po për arsye të situatës që jemi nga pandemia. Ajo që më intereson mua është se në këtë propozim do të lirohen të gjithë ata që i kanë objektet komunale me qira, por si qëndron puna për ata që e kanë tokën e komunës në shfrytëzim, a është menduar diçka edhe për ta dhe pse nuk janë futur edhe ata në këtë propozim.

Sali Sallteku – Përshëndetje edhe një herë, sa i përket pyetjes që e bërë z. Hoxha besoj se me këtë propozim janë të përfshirë të gjithë, kurse sa i përket propozimit të z. Fehmi Hoxha jam pro këtij propozimi që të shkojmë me 6 muaj sepse edhe ashtu bizneset kanë humbur shumë në këtë kohë pandemie, prandaj kishte me qenë mirë që të hedhësh në votim këtë propozim.

Kryesuesi – Ju faleminderit të gjithëve, e di që kanë nevojë bizneset të ndihmohen në këtë kohë, por mendoj se mjaftueshëm është që një herë të shkojmë me 3 muaj, duke shpresuar se do të dalim nga kjo situatë sepse nuk janë vetëm bizneset në bllokadë totale, prandaj kishte me qenë mirë që të shkohet një herë për tre muaj dhe nëse na paraqitet nevoja pastaj do të marrim përsëri ndonjë vendim për dalje në ndihmë. Sa i përket propozimit të z. Hoxha nuk është problem unë e qesë në votim, por ndoshta z. Hoxha do të shqyrtoj edhe një herë propozimin e tij.

Artan Asllani – Të nderuar të gjithë jemi të pajtimit që të bëhet për 6 muaj falje, për vete edhe më shumë se 6 muaj i kisha liruar bizneset, ne nëse vazhdon kështu pandemi gjithsesi në fillim të vitit të ardhshëm duhet të marrim edhe ndonjë vendim për lirim, ne në këtë mbledhja do të marrim vendim për dalje në ankand publik

lokalet e palestrës. Prandaj kemi propozuar që të shkohet me 3 muaj se nëse vazhdon kështu situata ne në fillim të vitit duhet të marrim vendim për falje për komplet një vite, prandaj le të mbyllet ky vit fiskal me këto 3 muaj e pastaj do shohim se çka do të ndodhë.

Fehmi Hoxha – faleminderit drejtor për këtë arsyetim, por edhe unë tani isha duke shikuar se jemi në fazën e shpalljes së lokaleve tek palestra, nëse i japim për 6 muaj si propozova unë atëherë i bie që ata në start 3 muajt e para nuk kanë me do të paguajnë, prandaj unë e tërheqë propozimin tim.

Kryesuesi – E qes në votim i Propozim vendimin e kryetarit të komunës, për lirim nga qiraja të gjithë shfrytëzuesit e pronës së paluajtshme komunale për 3 muaj: Konstatohet se në mënyrë unanime është votuar pika e 13 e rendit të ditës. Kalojmë në pikën e radhës:

14. Informatë nga DKA-ja për fillimin e vitit të ri shkollor 2020/2021.

Kryesuesi - Të nderuar koleg për momentin drejtorin e DKA-së nuk e kemi prezent këtu për arsye të vizitës së zëvendës kryeministrit të Republikës së Kosovës, por ne e kemi para vete materialin që na ka dërguar drejtori dhe nëse dikush ka diçka për të shtuar fjala është e juaja. Atëherë kalojmë në pikat shtesë. Siç ju thash më parë neve na është kthyer nga MAPL-ja që duhet ta shfuqizojmë Rregulloren për tatimin në pronën e paluajtshme për vitin 2021, ku na është sugjeruar që të marrim vetëm vendimin për caktimin e normave tatimore për vitin 2021. Pra një herë e qesim në votim shfuqizimin e kësaj rregullore, pastaj e qes në votim vendimin.

15. Marrja e vendimit për shfuqizim të Rregullores për Tatimin mbi Pronën e Paluajtshme për vitin 2020:

Kryesuesi - E qes në votim shfuqizimin e kësaj rregullore: Konstatohet se në mënyrë unanime është votuar pika e 15. Kalojmë në pikën e radhës:

16. Shqyrtimi i Propozim vendimit për caktimin e normave tatimore për tatimin në pronën e paluajtshme për vitin 2021.

Kryesuesi - E qes në votim: Konstatohet se në mënyrë unanime është aprovuar pika e 16. Kalojmë në pikën e radhës:

17. Shqyrtimi dhe aprovimi i Propozim vendimit për ndryshimin dhe plotësimin e vendimit 01 Nr. 1988 i datës 28.06.2018 për aprovimin e listës së anëtarëve të zgjedhur të Këshillit të Fshatit Hoçë e Madhe.

Kryesuesi - Siç ju njoftova edhe në fillim të mbledhjes komisioni e ka mbajtur një takim ku kanë bërë verifikimin e dokumentacioneve që kanë ardhur sipas konkursit publik, komisioni ka sjellë një emër për tu votuar në kuvend, për këtë ftoj kryetarin e komisionit z. Fehmi Hoxha.

Fehmi Hoxha – Të nderuar kuvendar pas shpalljes së konkursit për aplikim të kandidatëve për zgjedhjen e anëtarit të Këshillit të fshatit Hoçë e Madhe, dhe pas kalimit të afatit 15 (pesëmbëdhjetë) ditë, komisioni Ad-Hoc komunal për zgjedhjen dhe zëvendësimin e anëtarit të Këshillit të fshatit Hoçë e Madhe, i emëruar me Vendim të Kuvendit të Komunës së Rahovecit Nr. 109/20, në përbërje prej 5 (pesë) anëtarëve, dhe atë: Fehmi Hoxha (Kryesues), Bajram Morina, Ivan Shaveliq, Ivica Miciq, Marko Stashiq i cili ka munguar, është takuar me datë 26.10.2020 (të hënën) në zyrë të Kryesuesit të Kuvendit të Komunës së Rahovecit me qëllim të shqyrtimit të aplikacioneve të kandidatëve. Gjatë takimit është shqyrtuar kërkesa e vetme e kandidatit të paraqitur, dhe i cili i plotëson të gjitha kushtet, prandaj Kuvendit të Komunës së Rahovecit i propozon z. Kreshnik Haxhijaha, për emërimin e anëtarit të ri të Këshillit të fshatit Hoçë e Madhe. Të nderuar kuvendar kërkoj nga ju që ta përkrahni propozimin e këtij komisioni.

Kryesuesi – Ju faleminderit z. Hoxha për punën e bërë si komision, a ka dikush të shtoj diçka, nëse jo atëherë e qen në votim Propozim vendimin për ndryshimin dhe plotësimin e vendimit 01 Nr. 1988 i datës 28.06.2018 për aprovimin e listës së anëtarëve të zgjedhur të Këshillit të Fshatit Hoçë e Madhe.: Konstatohet se në mënyrë unanime është aprovuar pika e 17. Kalojmë në pikën e radhës:

18. Shqyrtimi dhe aprovimi i Propozim vendimit për dhënien në shfrytëzim afatgjatë në fshatin Gexhë.

Afrim Oruqi – Të nderuar kuvendar para juve keni propozimin e kryetarit për dhënien në shfrytëzim afatgjatë të parcelës me Nr. 00397, pronë shtetërore e Republikës së Kosovës. KK – Rahovec, me një sipërfaqe të përgjithshme prej 20348 m². Kërkesa e banorëve është që të jepet në shfrytëzim afatgjatë deri 99 viteve, vetëm pjesa e parcelës prej 4 ari nga parcela e përgjithshme. Qëllimi i dhënies së kësaj parcele është dhënia në shfrytëzim për qëllime të fshatit Gexhe, pra që të ruhet dhe të ritet vlera e pronës publike dhe të shfrytëzohet nga komuniteti për zhvillimet e aktiviteteve të ndryshme për nevojat e fshatit. Ftojë kuvendarët që ta votojnë propozimin e kryetarit.

Sali Sallteku – Jam në dijeni se edhe banorët e fshatit Gexhë janë duke ndërtuar një objekt për nevojat e fshatit, njëjtë sikurse në banorët e fshatit Radostë, është mirë që ti përkrahim pasi edhe nuk është parcela e madhe, prandaj jam pro këtij propozimi.

Masar Popaj – Mendoj se është bërë një gabim teknik sepse tek parcela është shkruar gabim sepse është cekur me nr. 2.03.48 m², kurse duhet të jetë 20348 m², poashtu edhe me fjalë duhet të përmirësohet sepse është shkruar gabim, besoj se këtë do të përmirësoni.

Kryesuesi – E qes në votim Propozim vendimin për dhënien në shfrytëzim afatgjatë në fshatin Gexhë: Konstatohet se në mënyrë unanime është aprovuar pika e 18.

Të nderuar kuvendar ju faleminderit për kontributin e dhënë në këtë mbledhje, mirë u takofshim në mbledhjet e radhës.

01 Nr. 128/2020

Rahovec, 30.11.2020

Procesmbajtësi:

Agim Hoti

